

萬氏家鈔

六



脉訣

藥性

共六册

醫學入門良方考

四明萬邦孚選集

診視臟腑生尅要說

大凡診視坐定調息已之氣呼吸平和然後先以中指於彼
 人掌後高骨之傍揣定關位次以食指按寸口之位又以無
 名指按尺下之位凡一指必三般診先輕以取浮次稍重以
 取中又最重以取沉寸主關以上至頭目關主臍以上至腹
 脇尺主臍下腰足二便小腸膽胃大腸膀胱三焦以上六脉
 皆輕手得之表也腑也心肝脾肺腎命門以上六脉皆重手
 得之裏也臟也心屬手少陰小腸屬手太陽肝屬足厥陰膽

490.9
I 2-7
2

No. 5016



富士川文庫

1282

屬足少陽腎屬足少陰膀胱屬足太陽肺屬手太陰大腸屬
手陽明脾屬足太陰胃屬足陽明三焦屬手少陽命門屬火
性水配三焦為表裏氣與腎通三焦者上焦在心下下膈心
肺瀆之以主榮衛中焦在胃中脘脾賴之以腐水穀下焦在
臍下一寸肝腎賴之以流決津液無形狀乃臟腑中有餘不
盡之臟腑也左手關前一分為人迎肝膽之位脉緊盛傷於
寒右手關前一分為氣口脾胃之位脉緊盛傷於食心與小
腸君火也肝與膽風木也腎與膀胱寒水也肺與大腸燥金
也脾與胃濕土也命門與三焦相火也五臟者藏精氣而
瀉滿而不能實六腑者瀉化物而不能藏實而不能滿以對待

左尺水水又生左關木木又生左寸火火又生左寸寸
又生右關土土又生右寸金而金復生左寸寸
言子母之親子能令母實母能令子虛治法云虛則補其母
實則瀉其子如水生木是木為母木為子而木又生火則子
火竊氣矣故水怒而尅火此母為子力爭也火又生土是火
為母土為子土見火被水尅則母被鬼傷矣故怒而尅水此
子為母力救也假如肝木有餘皆緣肺金不足不能制木故
木無所畏反薄激而干肺金乘脾土是謂薄其所不勝而乘

其浙勝也又肝木氣少不能以制脾土土無畏妄行乃凌其
腎水是謂所勝妄行而所生者受病也肝木之氣有餘則肺
金之氣自薄是謂所不勝薄之也蓋木氣有餘土金交薄故
相迫為疾也相生相尅相勝展轉無窮舉一以例其餘也

七表脉

七表者何浮乳滑實弦緊洪也歌曰浮脉不足舉有餘乳脉
中虛兩畔居滑體如珠中有力實形偏倚與長俱弦如始按
弓弦快緊若牽繩轉索初洪舉按之皆極大此名七表不同
途其見於病曰浮為中風乳失血滑吐實鬱分明別弦為拘
急緊為疼洪大從來偏主熱

八裏脉

八裏者何微沉緩瀯遲伏濡弱也歌曰微來如有又如無沉
舉都無按有餘遲緩息間三度至濡來散止細仍虛伏瀯切
骨沉相類弱脉沉微指下圖瀯脉如刀輕刮竹分明八裏見
如途其見於病曰遲寒緩衰微為虛瀯因血少沉氣滯伏為
積聚濡不足弱則筋痿少精氣

九道脉

九道者何長短虛促結代牢動細也歌曰迢迢長脉似持竿
短脉本部不及間虛則舉尋皆不足促脉來數至無寬結脉
緩時來一止代來中止不能還牢實尋無按却有動尋似有

舉濁湯細脉雖有但如線脉分九道見多般其見於病者長
為陽毒三焦熱短氣壅鬱未得昌促陽氣猶時兼滯虛為血
少熱生驚代主氣耗細氣少牢氣滿急常主疼結主積氣悶
無痛動是虛勞血痢崩

診候入式歌

左心小腸肝膽腎右肺大腸脾胃命女人反此背看之尺脉
第三同斷病心與小腸居左寸肝膽同歸左關定腎居尺脉
亦如然用意調和審安靜肺與大腸居右寸脾胃脉從關
命門還與腎脉同用心仔細須尋趣若診他脉覆手更
看時仰手想三部須教指下明九候了然心裏印大

肺為傳送心與小腸為受盛脾胃相通五穀消勝膀胱腎合為
津慶三焦無狀空有名寄在胸中膈相應肝膽同為津液腑
能通眼目為清淨智者能調五臟和自然察認諸家病掌後
高骨號為關骨下關脉形宛然以次推排名尺澤三部還須
仔細看關前為陽名寸口關後為陰直下取陽弦頭痛定無
疑陰弦腹痛何方走陽數即吐兼頭痛陰微即瀉臍中吼陽
實應知面赤風陰微盜汗勞兼有陽實大滑應舌強陰數脾
熱并口臭陽微浮弱定心寒陰滑食滯脾家咎關前關後辨
陰陽察病根源應不朽一息四至號平和更加一至大無疴
三遲二敗冷危困六數七極熱生多八脫九死十歸墓十一

十二絕魂瘧三至為遲一二敗兩息一至死非恠遲冷數熱
古今傳難經越度分明載熱即生風冷生氣用心指下叮寧
記春弦夏洪秋似毛冬石依經分節氣阿阿緩若春揚柳此
是脾家居四季在意專心察細微靈機曉解通玄記浮芤滑
實弦緊洪七表還應是本宗微沉緩濡遲并伏濡弱相兼八
裏回血榮氣衛定息數一萬三千五百通

脉賦

欲測疾兮死生須詳脉兮有靈左辨心肝之理右察脾肺之
情此為寸關所主腎即兩尺分并三部五臟易識七診九候
難明晝夜循環榮衛須有定數男女長幼大小各有殊形復

有節氣不同須知春夏秋冬建寅卯月兮不旺肝脉弦長以
相從當其已午心火而洪脾屬四季遲緩為宗申酉是金為
肺微浮短濡宜逢月臨亥子是乃腎家之旺得其沉細各為
平脉之容既平脉之不衰反見鬼兮命危子扶母兮瘥速母
抑子兮退遲得妻不同一治主死仍須各推假令春得肺脉
為鬼得心脉乃是肝兒腎為其母脾則為妻春得脾而莫瘥
冬見心而不治夏得肺而難瘥秋得肝亦何疑此乃論四時
休旺之理明五行生尅之儀舉一隅而為例則三隅而可知
按平弦而若緊欲識濡而似微浮芤其狀相反沉伏殊途同
歸洪與實而形同芤芤濡與弦而性常依條先辨此情後論

其理更復通於藥性然後已。為醫既已明其三部須知疾
之所存寸脉急而頭痛眩暈下之谷。一。狂痛之徵緩即
六頰之候微微冷入胸中數熱熱居。一。主壅多瀉而氣
一。面連脇滿只為洪而莫非膈引背疼緣是沉而不謬更過
一。浮弦不食緊牢氣喘喘急難痊弱以數兮胃熱弦以滑
一。寒微即心下脹滿沉兮膈上吞酸瀉即宜為虛視沉乃
一。實者下重緣濡女萎散療之在急水攻因伏牽牛湯瀉
一。今安爾乃尺中脉滑定知女經不調男子遇此之候必主
小腹難消伏脉穀兮不化微即肚痛無膠弱緣胃熱上壅遲
一。走寒於下。一。急。一。瀉。一。陰。一。症。一。牢。一。緊。一。則。一。痛。一。居。一。其。一。腹。

而為疾在其腰濡數浮氣皆主小便赤澁細詳如此之候
處能逃若問女子何因尺中不絕胎脉方真太陰洪而女
太陽火是男娘或遇俱洪而當雙產此法推之其驗若神
數斷之各依其部假令中衝若動此乃將及九旬患者要知
欲死須詳脉之動止彈石劈劈而又急解索散散而無聚雀
啄頻水而又住屋漏將絕而復起鰕遊冉冉而進退難尋魚
躍澄澄而遲疑掉尾嗟乎遇此之候定不能起縱有九丹天
命而已復有困重沉沉聲音劣劣寸關雖無尺猶不絕往來
息均踝中不歇如此之流何憂殞滅經文具載樹無葉而育
根人困如斯垂死乃當更治

診脈切要歌

脈為元氣自先天動靜之間更有玄三部九候如網紀七表
八裏還相兼寸關尺定三寸理規矩權衡四時舉何如九道
恠脈多學者茫茫失宗旨浮沉遲數為良訣內外之形要分
別外陽浮數裏沉遲如此觀之當自決大率兩寸管上焦當
關胸口至於腰從足抵臍憑兩尺三部詳分理莫逃浮而有
力則為風無力為虛伐本宗數而有力當為熱無力瘡痍痛
痒同沉而有力則為積無力應當為氣逆遲而有力痛難禁
遲而無力為寒疾診得心浮神不寧語言錯亂夢多驚肝家
見此成癰疾腸澀拘攣身更疼脾浮瘡痢氣喘急洩瀉無度

不進食肺浮喘咳大便風面腫生瘡吐血膿腎脈浮亦滯而
多齒牙疼痛背腰跲瘡生足膝無多力猶主風搏氣不和沉
脈主氣見於心崩漏淋淋血浸精咯血又兼留氣結夜多不
寐日惺惺怒氣傷肝肝脈沉脇疼氣痛眼睛昏移來脾部成
中滿吐瀉身黃及不仁肺沉喘咳肺癰生嘔吐兼痰與失聲
腎脈若沉腰背痛陰頰經閉臍膨心脈來遲小便頻悸怔
嘔吐及心疼肝遲七疝兼諸積木氣之傷痛在膺冷氣傷脾
脾脈遲腸中雷響瀉無時時遲氣痞寒痰盛飲食難消氣漸
衰滑精不禁小便多腿膝酸疼夢涉河及自覺來多有汗都
因遲脈腎家病心家脈數甚狂言口舌生瘡小便難頭暈目

弦風熱盛祇因數然見於肝脾無中消疔者眠胃翻口臭及
齧宣肺經脈數上焦熱咳唾痰腥大便難水竭陰消相火生
癢癢遺溺兩相侵六因腎脈多夫數女子逢之或胎娠五臟
明時六腑同何須初外覓神功若還自犯心懸會妙理都歸
掌握中更看形容此脈求肥人沉細瘦長浮嬰兒脈疾老人
滿矮促長既又不詳男子關前脈必充久人尺脈定浮洪弦
鈎毛石分時序四季平和胃氣冲禹機心脈既包含生死何
當另有玄浮散沉無遲一點數來無數病難痊歌罷殘陽閉
暮鴉半庭新月照梅花依稀一枕羲皇卧又夢軒轅教煉砂

五臟虛實脈歌

肝旺於春象木榮弦長之脈是安寧浮洪為實虛沉滑微短
之時乃是刑心配南方象火炎脈浮大散是安恬弦虛緩實
分明別沉滑為刑理可嫌脾屬中央象取尊阿阿緩大是其
根洪沉微短皆無畏若遇弦長命不存肺屬於金旺在秋脈
浮短瀋體無憂虛須緩大沉濡實洪大而長病少瘳腎旺於
冬配水行沉濡而滑是安平弦長是實虛浮短緩大而浮病
少生

五臟虛實候歌

脇疼目赤偏多怒頰腫頭旋耳不聰此是肝火之實行瀉之
方見有神功筋攣目瞎脇仍拘善忍多悲灰平枯太息不能

並虛候勸若加補病方除背膺脾脇盡疼酸天不休時口舌
乾此候有餘頃減損無若真候之虛看驚悸憂悲顏色少舌
根多強背腰疼此為不足宜加補若瀉之時病愈增腹脹更
無瘦不利足痿身重更饒飢四肢不舉脾為實瀉則誠宜補
則非腹脹腸鳴吐逆多食常不化病如何更無洩痢無時有
補益之時氣始和背肩肢胫皆疼當救仍無上氣時此是
肺金之太過急須着瀉不宜遲呼吸之間仍少氣咳而見血
體難任病聲兼有如何療針藥宜先補太陰腹膨體腫仍強
泄汗出憎風面目黎默不欲言兼少氣有餘須瀉莫狐疑也
中清冷脊中疼耳內嘈嘈復又聾厥逆無時小便變鹿茸

有神功

五臟積氣歌

肝之積氣為肥氣覆處如杯左脇邊瘖瘡連年仍瘳茲此因
季夏肺脾生伏梁之疾在心頭如臂連臍病可憂此腎傳心
心授肺因而積結在深秋積在脾家名痞氣盤於胃管使人
慵肌膚羸瘦成黃疸此病傳來自季冬肺積如杯號息貴右
邊脇下是其真令人喘咳兼寒熱心病傳來蓋自春腎之積
氣號貫豚上下無時腹內奔病本傳心心夏旺因而留結是
其根

五臟中風歌

心中風時惟偃卧汗流唇赤灸心膻青黃白黑唇間見縱遇
秦和亦少甦肝風踞坐不低頭唇目俱青療可瘳目若一黃
兼一白神丹雖下愈無由踞而腹滿吐痰涎身若通黃灸可
痊手足青時脾已壞不須醫療命難延肺風偃卧胸中滿短
氣其人胃悶多口鼻白時尤可治色黃欲救柰伊何踞而腰
痛風傷腎視脇兩邊未有黃如此可醫宜灸脇面如土色定
知亡

五臟察色候歌

面腫蒼黑舌卷青四肢力乏眼如盲淚出不止是肝絕八日
應當命必傾面顰眉息直視者又兼掌腫沒紋班狂言

身悶熱一日之內到冥間臍跌腫滿面浮黃泄痢不覺汚衣
裳肌肉麤澁兼唇反一十二日內災殃口鼻氣出不復回唇
反無紋黑似煤皮毛焦乾爪枯折程途三日定知災面黑齒
痛目如盲自汗如水腰折頻皮肉濡結髮無澤四日應當命
不存

妊娠脉

妊娠之脉如何認要辨陰陽衰與盛陰陽俱盛滑而和兩手
調勻數相應其人能食身無苦容色如常是妊定脉來左盛
是男形右手偏洪是女孕孕真常嘔頭昏悶此是停痰惡阻
症急宜正胃與消痰固血安胎全兩命若還腰腹俱脹痛日

夜咽乾潮熱盛多眠惡食倦昏沉此屬經疑却非妊大都孕
脉類如此在意消詳審安靜

又

肝為血兮肺為氣血為榮兮氣為衛陰陽配偶不參差兩臟
通和皆類例血衰氣旺定無妊血旺氣衰應有體尺微關滑
尺帶數流利往來并雀啄小兒之脉已見形數月懷胎猶未
覺左疾為男右為女流利相通速來去兩手關脉大相應已
形亦在前通語左手帶縱兩箇男右手帶橫一雙女左手脉
遲生三男右手脉順產三女寸關尺部皆相應一男一女分
辨証有時

滑數相參皆替替陽盛陰虛脉得明過滿胸膈皆逆氣左手
太陽浮大男右手太陰沉大女諸陽為男諸陰女指下分明
長記取三部沉正等無疑尺內不止真胎婦夫乘妻兮縱氣
霧妻乘夫兮橫氣助子乘母兮逆氣參母乘子兮順氣護小
兒日足胎成聚身熱脉亂無所苦汗出不食氣逆時精神結
備其中住滑疾不散胎三月但疾不散五月母弦緊牢強滑
者安沉細而微歸泉路

妊娠候歌

血下如同月水來漏極胞乾主殺胎亦損妊母須憂慮爭遣
神丹救得迴心腹急痛面目青冷汗氣絕命必傾血下不止

胎衝上心腹冷悶定傷身墮胎倒仆舉重輕致胎死在腹中
居已損未出血不止衝心悶痛母魂孤

產難生死候歌

欲產之婦脉離經沉細而滑也同名夜半覺痛應分誕來朝
日午定知生身重體寒熱又頻舌下之脉黑復青反舌上冷
子當死腹中須遣母歸冥面赤舌青細尋者母活子死定應
難唇口俱青沫又出母子俱死總高判面青舌青沫出頻母
死子活定知真不信若能看應驗尋知賢哲不虛陳

新產生死候歌

新產之脉緩滑吉實大弦急死來侵若得重沉小者吉忽若
牢堅命不停寸口澁疾不調死沉細附骨不絕生審者此候
分明記長須念此向心經

諸雜病生死脉歌

腹脹浮大是出厄虛小命殞須努力下痢微小却為生脉大
浮洪無瘥日恍惚之病定顛狂其脉實牢保安吉寸關尺部
沉細時如此未聞人救得消渴脉數大者活虛小病深厄難
脫水氣浮大得延生沉細應當是死別霍亂之候脉微遲氣
少不語大難醫三部浮洪必救得古今課定更無疑鼻衄吐
血沉細宜忽然浮大即傾危病人脉健不用治健人脉病號
行屍心腹痛脉沉細宜浮大弦長命必殞頭痛短瀋應須死

浮滑風痰必易除中風口噤遲浮吉急實大數三菟狐魚口
氣麤難得瘥面赤如粧不久居中風髮直口吐沫噴藥悶亂
起復蘇咽喉拽鋸水鷄響搖頭上竄氣長噓病人頭面青黑
暗汗透毛端恰似珠眼小目瞪不須治詐汗如油不可蘇內
實腹脹痛滿盈心下牢強乾嘔頻手足煩熱脉沉細大小便
澀死多真外實內熱吐相連下清注穀轉難安忽然診得脉
洪大莫廢神功定不痊內外俱虛身冷寒汗出如珠微嘔煩
忽然手足脉厥逆體不安寧必死判上氣喘急候何寧手足
溫煖淨滑生反得寒澁脉厥逆必知歸死命須傾欬而尿血
羸瘦形其疾脉大命難任唾血之脉沉弱吉忽若實大死來
侵上氣浮腫肩息頓浮滑之脉即相成忽然微細應難救神
功用盡也無生中惡腹脹緊細生若得浮大命逡巡金瘡血
盛虛細活急實大數必危身凡脉尺寸緊數形又似釵直吐
轉增此患蠱毒急須救速求神藥命難停中毒洪大命應生
細微之脉必危傾吐血但出不能止命應難返沒痊平大凡
要看生死門太衝脉在即為憑若動應神竟鬼在止便干休
命不停

察色觀病生死候歌

欲愈之病目皆黃眼胞忽陷定知亡耳目口鼻黑色起入口
十死七難當面黃目青酒亂頻邪風在胃喪其身面黑月白

命門敗困極八日死未侵面色忽然望之青進之如黑卒難
當面赤目白憂息氣待過十日定存亡黃黑白色起入目更
無口鼻有尖缺面青目黃中時死餘候須看兩日強目無精
光齒斷黑面白目黑亦尖缺口如魚口不能合氣出不返命
飛揚肩息直視及唇焦面腫蒼黑也難逃妄言錯亂及不結
尸臭元知壽不高人中蓋滿兼背青三日頃知命必傾口張
直氣命難停足跌趾腫臍如斗十日頃知難保守項筋舒在
定知理掌內無紋也不久唇青體冷及遺尿皆而飲食四日
期手足爪甲皆青黑能過八日定難醫脊痛腰重反覆難止
是骨絕五日者體重溺亦時不止肉絕六日便高刺手足甲
青呼罵多筋絕九日定難過髮直如麻半日死尋衣語死十
知麼

外因

緊則傷寒定不移濡因傷暑向心推滿緣傷燥須視肺細緩
傷濕更看脾浮則傷風肝即應弱而傷熱察心知外因但把
人迎審細別六淫皆可醫

內因

喜則傷心脉必虛思傷脾脉結中居因憂傷肺脉必滯怒氣
傷肝脉定濡恐傷於腎脉沉是緣驚傷膽動相胥脉緊因悲
傷心絡七情氣口內因之

不内外因

勞神役慮愛傷心虛滿之中仔細尋勞役陰陽每傷腎瀕因
脉緊看来因房帷任意傷心絡微瀦脉中細寸度疲劇筋力
要傷肝仔細思量脉弦弱飢則緩弦脾受傷若還滑實飽無
疑叫呼傷氣瀕損肺燥弱脉中豈能避能通不内不外因生
純吉凶都在是

辨童男童女

欲識童男與童女决在寸關并尺裏自然緊數甚分明都緣
未幾精華氣童女童男何次別瀕看太真無損缺大約童
尺脉沉而女尺中洪拍拍

傷寒脉

大浮數滑動陽脉陰病見陽生可得沉瀦弦微弱屬陰陽病
見陰終死厄輕手脉浮為在表表實而浮兼有力但浮無力
表中虛自汗惡風常析析重手脉沉為在裏裏實脉沉表亦
實重手無力大而虛此是表虛宜審的風則虛浮寒實堅水
停水蓄必沉潛動則為痛數則熱反飲應瀕脉急弦太過之
脉為可恠不及之脉亦如然止氣脉散為形損耳聾浮瀦命
難全謔言身熱宜洪大沉細而微壽不延腹大洩利當微細
緊大而滑定歸泉吐衄喜得沉細者浮大而牢嘆逝川陰陽
俱虛熱不止乍疎乍數命歸天瞽瞍有如羨上肥此脉定知

陽氣微榮榮來似蛛絲細却是體中陰氣衰脉如瀉潦之絕者疾人亡血更何疑陽結鶻鶻如車蓋陰結循竿亦象之陽盛則促來一止陰盛則結緩而遲右手氣口當主氣主血人迎左其位氣口緊盛食必傷人迎緊盛風邪熾數為在腑遲為臟浮為在表沉在裏浮緊兼濡寒傷榮脉浮而緩風傷衛脉淨人病內虛故人安脉病行尸是脉微大忌令人吐欲下猶防虛與細沉微氣弱汗為難三者要須常審記陽加於陰有汗証左手沉微却應未跌陽胃脉定死生太溪腎脉為根蒂脉來六至與七至邪氣漸深須用意浮大晝加並屬陽沉細夜加分陰位九至以上來短促狀若湧泉無入氣如屋漏如雀啄來如彈石去如解索蝦遊魚翔脉証乖轉豆偃刀形候惡下不至關陽氣絕上不至關陰氣鑠代脉來時不可醫必定傾危難救藥更加玄絕漸無根命斷天真當死也病人三部脉調勻大小浮沉遲數類此是陰陽氣已和勿藥自然應可喜

六經傳變歌

傷寒一日二日間發熱頭疼及惡寒腰痛脉浮真可見此脉逆頭連腰還無汗麻黃湯散有汗傷風桂枝單大青龍湯表裏實此屬太陽膀胱間傷寒二日三日內目痛身熱加一倍鼻乾不睡脉來長此脉往來緩者是無汗惡寒用葛根有

汗桂皮湯一劑便實惡寒大柴胡此屬陽明胃經內三日四
日病轉深耳聾胸脇痛如鍼寒熱嘔逆口乾苦此脈循脇絡
耳真強盛之脈真可見小柴胡湯宜酌斟似瘧婦人血結類
此屬少陽膽經尋病傳四日及五日腹痛咽乾自溫的自利
而渴脈微沉脈布脾胃絡咽益四逆理中治臟寒腹痛脈浮
桂枝入胸滿痰多瓜吐之此屬太陽脾經脈傷寒五日六日
來多眠口燥舌乾訣此脈絡肺繫舌本指下脈沉貫腎來舌
乾須用小承氣不渴不乾四逆差汗出亡陽猪膚屬此屬少
陰腎經排傷寒六日七日到煩滿囊縮脈微緩筋急唇青
蓋疼脈循陰氣絡肝道脈若不浮小建中浮緩如瘧各半刻
囊縮汗毒承氣加此屬厥陰肝經類

傷寒六經正病

太陽頸痛身熱脊強陽明日痛鼻乾不眠少陽耳聾脇痛寒
熱嘔而口為之苦太陽腹滿自利尺寸沉而津不到咽少陰
則舌乾口燥厥陰則煩滿囊拳一日二日可發表而解三日
四日宜和解而痊五六日便實方可議下七八日不愈又復
再傳日傳二經病名兩感經傳六日應無一痊太陽無汗麻
黃為最大太陽有汗桂枝可先小柴胡為少陽之要領大柴胡
行陽明之秘堅至三陰則難拘定法或可溫而或可下宜數
變以曲全生意或可方而或可圓

傷寒表裏証

傷寒表証是如何無汗惡寒身熱多頭項俱疼脉浮取擇方
施劑汗之和傷寒裏証腹心膨不惡寒而惡熱蒸其脉數沉
兼自汗汗多便秘下之生

陽症陰症

陽症身熱頭疼痛體痛咽乾難卧動或有譫語及循衣脉息
弦洪宜審用陰症身涼二便清病初自汗少頭疼也無煩燥
也無渴脉息沉微自可明

陽証似陰陰証似陽

陽証身涼冷四肢小便赤少大便稀心煩口燥脉沉數白虎

湯中竹葉奇陰症如陽面色紅小便清滑大便通渾身微熱

沉遲脉真武湯無用理中

陽厥陰厥

陽厥時時指甲温心煩便秘口乾論脉來沉細中還疾承氣
柴胡最可吞陰厥身涼熱不回二便通滑不煩時脉來沉伏
知端的三建湯無四逆宜

血黃濕黃

黃黃恰似烟薰色小便自利大便黑唇焦液水血家黃桃仁
承氣湯堪擇黃黃渾似橘皮明小便不利大便行濕熱相蒸
名曰疸茵陳湯共五苓平

剛症柔症

元來症病屬勝脫口禁如癰身反張此是傷風感寒濕故分
兩証有柔剛無汗為剛須易識惟有葛根湯第一有汗為柔
見的端桂枝葛根湯救急二症皆宜續命湯剛症去桂用麻
黃柔症去麻當用桂只依此法最為良

胎前產後傷寒

傷寒頭痛連百節氣急衝心溺如血上生班點赤黑時壯熱
不止致胎成嘔吐不止心煩熱腰背俱強胎痛裂六七日來
熱腹中小便不通大便結產後因得熱病臨脉細四肢暖者
生脉大忽然肢逆冷須知其死莫能停

傷寒五臟受病歌

心病舌強笑面赤燥煩掌熱口乾讖臍上動氣洪緊數反滯
沉兮命不全肝家面青目痛閉筋急怒容臍左氣脉當弦急
又兼長浮瀦短兮各不治脾家不食面皮黃體重肢疼喜卧
床動氣當臍脉緩大弦長而緊是凶殃肺家面白帶憂愁吐
衄寒温喘嗽求臍右氣兮沉細瀦大而牢者死根由腎家面
黑爪甲青耳閉足寒泄腹疼臍下氣兮脉沉滑緩而大者死
之形

傷寒至捷法

發熱惡寒身體痛脉浮無汗怎生醫十神湯與香蘇散有汗

傷風用桂枝四五日來口舌乾熱身痛卧不安先服人參
敗毒散小柴胡湯在後番七八日來熱在內口渴心煩腹脹
粟小便赤少大便難大柴胡湯好通利發熱口乾大便洩小
便赤少心煩結小柴胡湯兼五苓加上黃連真一絕汗下之
後病不解依然熱渴如見恠解毒湯兼小柴胡諸般熱病皆
無碍

傷寒証治總畧

發熱體寒體痛時脈浮無汗怎生醫十神五積香蘇散有汗
傷風用桂枝汗後依前病不除三朝四日真疇疇或用參蘇
或敗毒加些良劑病當舒病傳入表腹膨滿口乾熱盛小柴

管病若仍前熱泄多只用柴苓湯一功六日七日病轉熱前
後不通好未發或有亂語及循衣大此承氣可通別下後仍
前病不休黃連解毒免人憂病後虛煩熱已靜白虎竹葉石
膏搜陽厥還須用大柴不然承氣也通換陰厥四逆并真武
三建加之自忖裁胸膈停痰氣悶時可將瓜蒂吐之宜怔忡
水停微有喘青龍十棗最堪題陽毒發斑是如何梔子大黃
黑奴科咽喉腫痛還曾治甘桔湯中也要過膈痰冷氣如何
治理中九子君須記去血還須抵當湯噫氣不絕旋覆葶藶小
便不通五苓宜猪苓入正皆曰奇大便不通蜜導法喘黃腹
後熨其臍熱吐五苓半夏加苓吐四逆茱萸佳狐惑聲啞人

不曉大黃牡蠣衆皆誇發黃施子藥皮同退疸茵陳極有功
治蠶桃仁犀角類大黃甘遂解結胸昏沉多睡萎蕤湯煩燥
無眠酸棗方少陰自利白通美脚氣續命越脾當柔症注枝
加乾葛劑瘞麻黃葛根治陰証似陽四逆宜陽証如陰白虎
奪食復勞傷志生醫枳實梔子內中追陽易陰易如何治燒
祝鼠糞湯要知吐衄烏梅與理中風濕黃芩木附通腹中急
痛如何治桂枝加於大黃中吐血解毒與三黃筋惕肉瞤真
武湯肺實喘嗽青龍美衄血不止茅花蕊往來寒熱成瘧瘧
小柴胡湯還可托咳逆皆因胃有寒乳下支灸羗附魚熱深

用心系

傷寒有四証相類

食積寒痰并脚氣更兼亦有患勞煩要識四般相類症不與
傷寒一例看

小兒脉訣

五臟論

心臟

心主驚實則叫哭發熱飲水而搖虛則困卧驚悸不安又熱
則唾口中氣溫及上竅咬牙而合面卧有就冷之意皆心熱
也若仰面卧者乃心氣實氣不得上下流通也心病冬見火

勝水也當補腎治心輕者病自愈下竄不語者腎虛怯也張
紫古云心主熱若肺乘心為微邪肝乘心為虛邪脾乘心為
實邪腎乘心為賊邪凡心臟得病必先調其肝腎肝氣通則
心氣和肝氣滯則心氣乏此心病先求其肝清其源也五臟
受病必傳其所勝腎之邪必傳于心故先治其腎逐其邪也
若肝腎俱和然後察其心家虛實治之竊謂仰面卧者因其
心胸實熱故喜仰面而向虛也合面卧者因其心胸虛熱故
喜合卧而就實也實則調治心肝虛則調補脾肺二者別之
盡其狀矣其咬牙等症多有雷同不必拘泥若邪氣已去而
病仍作當調補元氣或反其甚急溫補元氣其心氣冬見或亥
子時病甚或下竄不語者乃腎水虛而心火甚也用補腎

肝臟

肝主風實則目直大叫項急頓悶虛則咬牙呵欠氣熱則外
生風氣溫則内生風瀕散之若能食飲水不止微下之肝熱
則目直不搖手尋衣領及亂捻物壯熱則飲水喘悶肝病秋
見肺怯不能勝肝也當補脾治肝肝有風則目連眨得心熱
則搖當肝心兼治甚則身反張目直不搖心不受熱也當補
腎治肝唇白者不治又張紫古云肝主風自病則風搖拘急
若心乘肝為實邪肺乘肝為賊邪腎乘肝為虛邪凡肝得病
必先察其肺腎者肝之母肺者肝之賊今肝之得病若非腎

水不能相生必是肺金鬼邪來尅故其來在肺先治其肺攻其鬼也其來在腎先補其腎滋其源也然審其本臟之虛實而寒溫之竊謂前症若肝實熱而外生風者宜散若既散之而前症仍作或益甚者此邪氣已去而脾氣虧損也宜補若肝經虛熱或因尅伐而内生風者宜補若風邪入臟能食飲冷大便秘結者此邪氣內實也宜下若既下而食少飲湯或腹作脹者此脾氣內虛也宜補氣血素弱或因病後或服攻伐之劑而手尋衣領咬牙呵欠目淡青者乃肝經虛甚也急用補腎生肝硬氣短氣長出氣乃肺經虛甚也急用補脾肺若申酉時叫哭直視可欠頓悶項急驚悸手足搖動發熱飲水此風火相持而勝肺金也宜治肝火生肝血補脾土生肺金若唇白者為肝絕不治

脾臟

脾主困實則困睡身熱飲水或不飲水虛則吐瀉生風脾買虛寒則面眇白目無精光口鼻氣冷肌體瘦弱吐水腹瀉不思乳食傷風手足冷者脾臟怯也先用補脾後用發散脾病見四季皆倣此順者易治逆者難治脾怯當面赤黃若兼五臟相反隨症治之張潔古云脾主濕自病則泄瀉多睡體重昏倦若肝乘脾為賊邪心乘脾為虛邪肺乘脾為實邪腎乘脾為微邪凡脾之得病必先察其肝心二臟蓋肝是脾之鬼

心是脾之母肝氣盛而鬼邪有餘心氣虧而生氣不足當用
抑肝養心若診其脉肝心俱和則脾家自病察其虛實而治
之竊謂前症實者病氣實而形氣虛也若面色晄白吐瀉腹
痛口臭氣冷屬寒水侮土若面青唇黯吐瀉手足並冷此脾
土虛寒善面色痿黃手足不冷此脾土虛弱若傷風手足並
冷吐痰咳嗽吐瀉腹脹此脾肺氣虛用實脾氣散外邪若發
於寅卯二時用補脾土平肝木然面黃者脾之本色也面赤
者火生土為順面青者木剋土為逆當平其所勝以補元氣
為善

肺臟

肺主喘實則悶亂喘促或飲水虛則硬氣出氣短氣若肺盛
復感風寒則胸滿氣急喘嗽肺實熱則手撮眉目鼻面肺虛
熱則唇色深紅肺怯則唇色白若悶亂氣粗喘促硬氣者難
治肺病久唇白者此脾肺子母皆虛也若白如猪脂者言白
如枯骨者死如肺病春見肺勝肝也宜補肝腎治肺目淡青
必發驚更有赤者當搐為肝怯也張潔古云肺主燥自病則
喘嗽燥則潤之若心乘肺為賊邪肝乘肺為微邪腎乘肺為
實邪脾乘肺為虛邪凡肺之得邪必先觀心脾二臟之虛實
若心火鑠金當抑心滋肺若脾氣虛冷不能相生而肺氣不
足則風邪易感宜補脾肺若腎實中痞熱氣上蒸于肺宜瀉

脾氣若心脾脈平和而肺自病當察虛實治之夫肺氣盛者
肺中之邪氣盛也其脈右寸必浮而有刀宜瀉之若肺虛而
有熱者不可執肺熱之故不用人參仍參其症治之

腎臟

腎主虛無實症惟痘瘡實則黑陷更當分別症之虛實虛則
補其母實則瀉其子夫腎虛者由胎氣不盛則神短顙開目
多白睛面色晄白此皆難養縱長不過四旬或有因病而致
目無精光畏明腎病見夏水勝火也輕者病自退重者當
發搖張潔古云腎主寒自病則足脛寒而逆腎無實瘡疹
隱乃實是永剋火也若心乘腎為微邪肺乘腎為虛邪肝

腎為實邪脾乘腎為賊邪本臟虛弱正令不行鬼賊尅害當
補本臟之正氣大抵五臟各至本位即氣盛不可更補到所
尅位不可更瀉然五行之中惟腎水一臟母盛而反受邪何
則肺屬金射于皮毛所主者氣腎屬水主于骨髓所藏者精
氣之輕浮能上而不能下精之沉重能下而不能上今肺氣
得熱而上蒸則不能下生於腎而受邪矣急服涼藥解之此
腎病必先求肺或脾經之濕刑尅于腎宜去脾濕若脾肺脈
平和而腎自病則察其本臟而治之竊謂下竅等症足不喜
履者蓋腰以下皆腎所主乃心氣下行于腎部也當壯腎水
以制心火若因脾肺虛而不能生腎水者宜滋化源其瘡疹

黑陷乃腎虛而邪氣實也

看脉紋訣

小兒三歲以下男左女右看虎口三關從第二指第一節名風關若脉見初交病第二節名氣關脉見病重第三節名命關脉見病深則危矣又當辨其紋色紫熱紅傷寒青驚風白疳疾黃色隱隱或淡紅隱隱為常候也至見黑色則危矣其他紋色在風關為輕氣關漸重命關尤重也

辨虎口手訣曰男以左手觀之女以右手觀之蓋取左屬陽男以陽為主右屬陰女以陰為主然男女俱具此陰陽兩手亦當參看左手之紋病應心肝右手之紋病應脾肺於此消

息又得變通之意驚風初得紋出虎口或在初關多是紅色傳至中關色赤而紫病又傳過其色紫青病勢深重其色青黑青而紋亂者病深重若純黑危惡不治大抵紅者風熱輕赤者風熱盛紫者驚熱青者驚積青赤相半驚積風熱俱有主急驚青而淡紫伸縮來去主慢驚紫絲青絲或黑絲隱隱相雜主慢脾似出不治大率紋勢彎曲入裏者病雖重而症順猶可用力善紋勢弓反出外靠于指甲者斷不可回其有三關紋如流珠流米三五點相連或形于面或形于身危惡尤甚

水鏡訣曰四足驚三關必青水驚三關必赤人驚三關必黑

紫色瀉利黃色雷驚如三關脉通度是急驚之症必死或青
 或紅有紋如線一直者是乳食傷脾及發熱驚左右一樣者
 是驚與積齊發有三條或散是肺生風痰有青是傷寒及嗽
 如紅火是瀉有黑相兼主下痢紅多白痢黑多赤痢有紫相
 兼加渴下虛虎口脉紋亂乃氣不和也
 入門候歌曰五指稍頭冷驚來不可安若逢中指熱必定是
 傷寒中指獨自冷麻痘症相傳女右男分左分明仔細看初
 起寅關淺紋侵過卯深生枝終不治辰位實難禁
 審味訣曰肝酸心苦及脾甘肺愛于辛腎合鹹所好即知其
 氣色脉與相參



風關第一
 節寅位
 氣關第二
 節卯位
 命關第三
 節辰位

察形色訣

額端紅色主熱燥若逢青色有肝風印堂如有青紋見必係
 人驚火則紅山根之色青隱隱須識驚過是兩重若還斯處

見赤色還知瀉燥定相攻年上微黃為正色若平更陷天難
禁忽因痢疾黑危候霍亂吐瀉黃色深鼻準微黃赤白平深
黃燥黑死難生人中短縮吐因痢唇反黑候蛔必傾正口常
紅號曰平燥乾脾熱積黃生白主失血黑繞口青黑驚風盡
死形承漿青色食時驚黃多吐逆痢紅形煩燥夜啼青色吉
久病眉紅死症真白睛青色有肝風若是黃時有積攻或見
黑睛黃色現傷寒病症此其縱風氣二池黃吐逆燥煩啼
色鮮紅更有兩頰胚樣赤肺家客熱此非空太陽青色驚方
始紅色赤淋萌孽起要知死症是何如青色從茲生入耳兩
臉黃為瘦實咽青色客忤紅風熱傷寒赤色紅主淋二色禱
詳分兩頰吐垂青色滯頰黃一色頰間兩白詳風門黑疔青
驚水紋青金匱主驚狂

小兒脈說

小兒三歲以下用一指按高骨乃分三關定其息數呼吸八
至為平脈九至不安十至危困浮主風沉遲主虛冷實主有
熱緊主癩洪主熱盛沉緩主虛瀉微緊有積有虫遲瀦主胃
腕不和沉主乳食難化沉細主乳食停滯緊弦主腹中熱痛
牢實主大便秘沉而數者骨中有熱弦長是肝膈有風緊數
乃驚風為患四肢掣顛浮洪乃胃口有熱沉緊主腹痛有寒
虛濡者有氣又主慢驚乳主大便利血四歲以下用一指轉

尋三部以關為準七八歲移指少許九歲次第依三關部位
尋取十一十二歲亦同十四十五歲依大方脉部位診視
全幼心鑑云小兒半歲之際有病當于額前眉端髮際之間
以名中食三指曲按之兒頭在左舉右手在右舉左手食指
為上中指為中名指為下三指俱熱主感風邪鼻塞氣粗發
熱咳嗽若三指俱冷主外感風寒內傷飲食發熱吐瀉若食
中二指熱主上熱下冷名中二指熱主夾驚之疾食指熱主
小兒食滯又當參辨脉形主之

驚聲音訣曰聲輕者氣清弱也重濁者痛也風也高喊者熱
狂聲急者神驚也聲塞者痰也聲戰者寒也聲啞者氣不
順也喘者氣促也噴嚏者知其風呵欠者知其倦又主風陰
陽相雜也哭聲不响者死

小兒外症十五候

眼上赤脉下貫瞳人顛門腫起兼及作坑鼻乾黑燥肚大青
筋目多直視覩不轉睛指甲黑色忽作鷓聲虛舌出口嚙齒
咬人魚口氣急啼不作聲蛔虫既出必是死形

小兒變蒸

三十二日一變生癸腎臟氣屬足少陰經○六十四日二變
一蒸生壬膀胱腑氣屬足太陽經○九十六日三變生丁心
臟氣屬手少陰經○一百二十八日四變二蒸生丙丁小腸

腑氣屬手太陽經能坐○一百六十日五變生乙肝臟氣屬
足厥陰經能匍匐○一百九十二日六變三蒸生甲膽腑氣
屬足少陽經○二百二十四日七變生辛肺臟氣屬手太陰
經○二百五十六日八變四蒸生庚大腸腑氣屬手陽明經
○二百八十八日九變生己脾臟氣屬足太陰經○三百二
十日十變五蒸生戊胃腑氣屬足陽明經學行○心胞絡臟
屬手厥陰經三焦為腑屬手少陽經此一臟一腑俱無形狀
故不變不蒸也○又有三大蒸六十四日為一大蒸計三百
八十四日又六十四日為二大蒸計四百四十八日又六十
四日為三大蒸計五百一十二日至五百七十六日變蒸止
畢兒乃成人矣變者生五臟也蒸者養六腑也變蒸之時先
看兒唇上有白泡如珠是其証也即宜少與乳食不可妄投
藥餌切不可艾火灸

郵人兒生下即灸頂門其害非淺蓋兒初生乃一塊血豈能
當艾火燒炙火氣入內反為不美如生下無他症平穩切不可
亂灸又郵人兒生下多患奶牙每用針挑破進風輒斃殊
為可傷此皆緣孕母多食胡椒故也郵人平日最尚胡椒故
兒有此症若孕時能戒食胡椒仍常服黃芩白朮清涼之劑
即可無此症矣

牡丹皮 鬱金 姜黃 延胡索 香附 旱蓮

劉寄奴 紫胡 前胡 黃連 胡黃連 黃芩

草龍膽 防已 葛根花葉 瓜萎仁根 苦參 青黛

茵陳蒿 知母 貝母 地骨皮 紫苑 百部

款冬花 馬兜鈴 桔梗 芋根 蘆根 羌活

獨活 升麻 細辛 防風 乾姜 生薑

麻黃 白芷 蒿本 天麻 蒼耳 秦艽

狗脊 白鮮 水萍 木賊 豨薟 附子

烏頭 天雄 華撥 半夏 天南星 何鬮

威靈仙 仙茅 白附子 高良姜 單薺 胡巴

白頭翁 阿魏 木香 茴香 肉豆蔻 白豆蔻

草豆蔻 砂仁 華澄茄 使君子 盧薈 三稜

蓬莪茂 大黃 葶藶 澤瀉 旋復花并葉

木通通草 瞿麥 百合 紫草 燈心草 酸漿

石韋 海藻 澤蘭 昆布 甘遂 大戟

澤漆 芫花 商陸 牽牛子 蓖麻子 海螵

白葛 常山 淫羊霍 續隨子 鶴虱 紫牽

馬鞭草 蛇床子 玉不留行 牛蒡子根葉

草蒿 藜蘆 射干 山荳根 白藳 白芨

羊蹄根子 連翹 百草灰 金星草 蒲公英 谷精

木部

夏枯草 山慈姑 千里光 金銀花 貫衆

桂肉桂 桂枝 桂心 柳桂 槐實花枝 栢實葉 松脂節花 茯苓花 茯神

琥珀 椰 枸杞 酸棗 梔子 黃蘗

竹葉淡竹 竹瀝 苦竹 楮實 山茱萸 五加皮 杜仲

女貞實 桑根白皮葉枝皮 榧皮中汁 桑寄生 益智子 乾漆

蔓荊實 牡荊實荊瀝 辛夷 蕤核 釣藤 秦皮

蜜蒙花 丁香 蘇合香 沉香 藿香 龍腦香

安息香 乳香 沒藥 檳榔 枳壳 枳實

厚朴 茗茶 烏藥 巴豆 皂莢 皂角刺

大腹皮 猪苓 郁李仁 吳茱萸 蜀椒日 胡椒

棟實根皮 訶梨勒 麒麟竭 紫葳 松烟墨 天竺黃

蘇方木 櫻櫚 楓香脂大楓子 無莢 雷丸

五倍子 樗白皮 沒石子 木鼈 金櫻子

菜部

黃蜀葵子 萊菔根子 白芥子 瓜蒂 馬齒莧子

茄根蒂 胡荽 蓼馬蓼 水蓼 葱白 韭子 蒜

荊芥 紫蘇子 香薷 薄荷 絲瓜

菓部

蓮肉蒂 藕 鷄頭實 覆盆子 山查 陳皮青橘 核 青皮

大棗 柿 梅實 苑仁花葉 杏仁 龍眼

荔枝核肉 木瓜實 安石榴 梨 胡苑 枇杷

沙糖 草菓

穀部

胡麻 白油麻油 麻子 生大豆大豆黃卷 赤豆

白扁豆花 菡豆 粟壳 粟米 陳廩米 糯米

大麥麥芽 小麥浮麥 神麴 酒糟 醋 飴糖

石部

丹沙 雲母 陽起石 膽礬 空青 禹餘糧

赤石脂 礬石 綠礬 芒硝 朴硝 玄礬

食鹽戎鹽 無名異 滑石 石膏 寒水石 雄黃

雌黃 石硫黃 水銀輕粉 蜜陀僧 金銀 珊瑚

礪砂 鵬砂 磁石 砒霜 鐵鐵鑄 拜穢

鑄墨 赤銅屑 銅青 自然銅 古文錢 鉛丹

粉錫 伏龍肝 石灰 石蟹 代赭 青礬

花乳石 臘雪 秋露

獸部

龍骨 象牙 牛黃 牛角腮髓肉胆乳 阿膠

鹿茸角角膠 髓 熊膽 麝香 犀角 羚羊

青羊肝膽肉 虎骨睛 壯狗陰莖頭骨血肉

兔頭骨 肝肉腦
 豚卵 懸蹄四足胆肉
 脰胸臍

禽部
 丹雄鷄 冠血腸肚腔卵白
 黑雌鷄 黃雌鷄蛋
 白鴨
 雀卵 肉白丁香
 夜明砂

蟲魚部
 石蜜
 蜜蠟
 露蜂房
 白蠟
 桑螵蛸 桑虫
 蟬脫
 木虫
 斑猫
 蜻蛉
 蠅螂
 蜘蛛

蛻皮
 牡鼠 兩頭尖
 五靈脂
 白姜蚕 原蚕蛻蚕砂
 蠟
 蜈蚣
 蛤蚧
 蝦蟇 蟾酥
 蝸牛
 白頸蚯蚓

田中螺
 牡蠣
 石决明
 海蛤 蚌壳
 珍珠
 龜甲
 蟹
 水蛭
 蚌蛇膽
 蛇 烏蛇 白花蛇

人部
 鱖鯉甲
 魚 鮒魚 鯉魚 鯉魚胆 青魚胆 石首魚
 烏鰂骨

亂髮部
 人乳汁
 人糞 糞清
 人溺
 視當月水汁
 人中白
 天靈盖
 人牙
 人胞

安神定魄止驚悸生津通血脉治五勞七傷虛損肺脾陽
 不足虛喘乏勞肺寒宜潤之肺受火邪喘嗽者禁用

沙參 性味甘氣微寒
 補中益肺氣止熱煩治虛欲眠養肝氣解頭暈

用之肺寒禁用
 天門冬 君味苦甘氣平大寒無毒力用去心

兔頭骨 肝肉腦

豚卵 懸蹄四足胆肉

溫內齊

禽部

丹雉鷄

冠血勝 肺經印白

白鴨

雀卵

夜鷄

魚部

石蟹

蟹蟻

露蜂房

白蟻

桑螵蛸

鱉脫

木蜜

斑蝥

蜻蛉

兔卵

八厘白

天靈蓋

八水脂

八頭

八頭

龜鱉

八我卡

八糞

八頭

野當凡水卡

八螺中螺

牡蠣

石決明

海蛤

珍珠

鱧甲

魚 青魚即 鱧魚

鱧魚

鱧魚

鱧魚

萬氏家抄濟世良方卷六

四明萬邦孚摘選

藥性草部

人參 君味甘氣溫微寒無毒反藜蘆

安神定魄止驚悸生津通血脉治五勞七傷虛損肺脾陽氣

不足虛喘乏力肺寒宜用之肺受火邪喘嗽者禁用

沙參 臣味苦甘氣微寒無毒反藜蘆

補中益肺氣止驚煩治常欲眠養肝氣療頭痛氣熱肺熱宜

用之肺寒禁用

天門冬 君味苦甘氣平大寒無毒凡用去皮心

治肺氣欬逆喘急消痰通腎氣止渴療肺痿生癰吐膿血熱
侵肺吐衄妄行瀉肺火利小便冷而能補

麥門冬 君味甘微苦氣平微寒無毒凡用去心

治口乾渴心肺熱虛勞客熱通脉保神補心氣治血妄行瀉
肺中伏火療肺痿吐膿

地黃 君味甘苦氣寒無毒忌鐵器菘菜

熟地微温大補血衰滋腎陰益氣力主血虛勞熱產後臍腹
痛○生地大寒涼血生血補腎水真陰不足主婦人崩中不
止及產後血上薄心胎動下血瘀血衄血吐血胃寒者斟酌
用痰隔不利者姜汁炒用

木 君味苦甘辛氣温無毒

白朮除濕益燥生津補脾進食除胃熱消虛痰止下洩利小
便消腫滿及霍亂嘔逆在氣主氣在血主血有汗則發無汗
則止○蒼朮氣味辛烈主大風在身面風眩頭痛除惡氣辟
山瘴消癰塊療心腹脹痛健胃寬中發汗除上焦濕功最大
鹽水炒佐黃柏力健行下焦腰足濕熱

黃芪 味甘氣微温無毒補虛蜜炙用治瘡生用

主癰疽久敗瘡內托排膿止痛風癩痔瘻脾胃虛弱羸瘦補
中生血補肺氣實皮毛瀉陰火療虛勞自汗無汗則發有汗
則止又治消渴泄痢腸風婦人血崩帶下經症產前後一切

病補腎三焦命門元氣治傷寒尺脉不至性畏防風然防風
制黃芪黃芪得防風其功愈大蓋相畏而相使者

甘草 君味甘氣平生寒熱温無毒反大戟芫花甘遂海藻

長肌肉解百藥毒及諸毒治欬止渴通經脉利血氣健胃

和中養血補血善和諸藥生用瀉火節消瘡疽腫毒又治肺

痿吐膿血惟中滿禁用下焦藥少用稍除胃中積熱去莖中

菊花 君味甘氣平寒無毒家種味甘色黃白者佳味苦野

主風頭眩腫痛惡風濕痺身上四肢諸風胸中煩熱明日養

血去目中膜翳根治疔腫

昌蒲 君味辛苦氣温無毒生石澗一寸九節者良

主四肢濕痺不得屈伸開心通竅正氣除煩明耳目出音聲

療頭風鬼氣瘡疥殺虫止小便

遠志 君味苦氣温無毒殺天雄附子毒凡用去心

補不足利九竅定心志止驚悸夢邪益精壯陽

黃精 君味甘氣平無毒

益脾胃潤心肺除風濕補勞傷

山藥 臣味甘氣温平無毒

長肌肉止腰痛強陰補心肺不足瘵煩熱泄精健忘

五味子 君味酸氣温無毒

主欬逆上氣補不足強陰益精止渴生津在上滋肺在下補

腎氣耗散者用此收之

肉苁蓉 味甘性平 補氣養血 益精壯陽 治虛勞 補五勞 傷七傷 益氣 壯陽 補虛 益精 壯氣 補虛 益精 壯氣 補虛 益精 壯氣

強陰益精煖腰膝補腦益命門火治男子絕陽不興泄

精尿血遺泄女子絕陰不產血崩帶下腰痛

鎖陽 味甘性平 補氣壯陽 益精 壯陽 補虛 益精 壯氣 補虛 益精 壯氣

補陰氣益精治大便燥結

菟絲子 味甘性平 補氣壯陽 益精 壯陽 補虛 益精 壯氣 補虛 益精 壯氣

養男婦虛寒腰痛膝冷補精強陰益命門火治虛中寒濕

泄精尿血

味甘性平 補氣壯陽 益精 壯陽 補虛 益精 壯氣 補虛 益精 壯氣

主寒濕痿痺四肢拘攣逐血氣墮胎療男子陰消老人失溺

壯陽益精填髓除腰痛通月水療血結血暈產後心腹痛

活血生血引諸藥下行腰膝

萎蕤 君味甘氣平無毒

主中風暴熱四肢拘攣頭疼目痛皆爛淚出濕注脚膝腰痛

去面黑點

薏苡仁 味甘氣微寒無毒根治細攻心腹痛

主筋急拘攣風濕痺利腸消水腫下氣除筋骨邪氣不仁

石斛 君味甘氣平無毒酒洗蒸用

壯筋骨療脚膝軟弱強陰益精長肌肉治胃中虛熱皮膚熱

巴戟天

使味辛甘氣微溫無毒

陰陰堅筋骨療頭面遊風大風血癩及陰中引痛夜夢鬼交
泄精

破故布

味苦辛氣大溫無毒酒炒用

主四肢疼痛骨髓傷敗陽衰腎冷精流腰膝痛囊濕小便利
及婦人血氣

芎藭

臣味辛氣溫無毒

主寒痺筋攣緩急婦人血閉治少陽頭痛血虛頭痛之聖藥
散肝經風頭面風治一切血去宿生新及痔瘻腦癰發背瘰
癧排膿消痰長肉上行頭目下行血海通肝經血中之氣

療一切心腹氣痛胸脇痛疝痛開鬱行氣燥濕

當歸

臣味甘辛氣溫無毒

主瘟瘡虛勞寒熱婦人漏下絕子諸惡瘡瘍金瘡齒痛頭痛
補不足氣血昏亂服之即定能令各有所歸故名當歸頭止
血身和血尾破血全用和血

芍藥

臣味苦酸氣微寒有小毒反藜蘆

除血痺破堅積寒熱疝瘕益氣順血脉抑肝煖中扶陽收陰
補血散惡血利大小腸通月水消癰腫生用下痢疾炒用止
腹痛脾經之藥白者補赤者瀉產後不可用以其酸寒伐生
發之性也

益母草

味辛甘氣微溫無毒

王胎前產後諸疾行血養血及難產胎死腹中專治婦女一切血症

車前子

君味甘酸氣寒無毒

主小便淋瀝除濕痺利水道療肝中風熱衝日赤痛治婦人產難葉根主鼻衄熱痢

蒲黃

君味甘氣平無毒生用破血消腫炒黑用止血

止血消瘀血治一切吐衄崩唾腸風血痢尿血撲血血癥帶下月候不均心腹痛產後血症瘡癤風腫

續斷

君味甘苦辛氣微溫無毒

調血脉療金瘡癰腫止痛生肌續筋骨治婦人乳難產前後一切症及崩中漏血尿血宛瘡惡血腰痛縮小便止泄精溫子宮

骨碎補

使味甘苦氣溫無毒去毛用

破血止血補傷折骨碎堅齒療骨中毒氣風血疼痛

疾藜子

君味甘苦辛氣溫微寒無毒

治風明目破惡血療喉痺乳難身體風痒肺痿小兒頭瘡沙苑疾藜止遺瀝泄精弱血

地膚子

君味甘苦氣寒無毒又苦喜濕

主癆熱利小便洗目去熱暗查盲止痛

天明子

臣味鹹苦甘氣平微寒無毒草史明治療同

主青盲目淫膚赤白膜眼赤痛淚出除肝家熱又解蛇毒

丹參

臣味苦氣微寒無毒反藜蘆

破宿血生新血安生胎落死胎止血崩帶下調經治骨節疼

痛頭痛眼赤惡瘡癭贅腫毒排膿止痛生肌及邪氣腸鳴腹痛

玄參

使味苦鹹微寒無毒反藜蘆

明目治結熱積聚暴中風狂邪溫瘧頭風骨蒸傳尸散項核

癰腫清咽膈又治空中氤氳之氣無根之火

茜根

君味苦氣寒炒用勿犯鐵

主寒濕風痺衄血吐血內崩下血尿血產後血暈乳結紫瘻

瘀血死血治蠱毒

茅根

臣味甘氣寒無毒

主瘀血血閉吐血利小便下五淋解腸胃熱療婦人崩中止

消渴

艾

使味苦氣微溫無毒

主灸百病止下痢赤白吐血衄血瀉血婦人漏血安胎止腹

痛辟風寒煖子宮殺蛇虫醋煎治癰

地榆

味苦甘酸氣微寒無毒

主婦人乳產痛帶下月水不止血崩產前後諸血疾腸風血

痢赤白痢小兒疳熱瀉痢療金瘡止痛除惡肉蝕膿諸瘰癧

瘡虛寒人水瀉冷痢勿用

大小薊根 味甘苦氣溫又云涼

大薊主女子赤白沃安胎止吐血衄血下血療癰腫惡瘡小

薊專主血疾

紅花 味辛甘苦氣溫無毒

主一切血症多用破血少用入心養血療產後血暈口禁腹

內惡血不盡絞痛胎死腹中

牡丹皮 味辛苦氣寒無毒九用去骨

主虛勞無汗骨蒸瀉陰火除癥堅癥血留腸胃不散衄血吐

血女子經脈不通血滯腰痛產後一切冷熱血氣療癰瘡排

膿止痛

欝金 味辛苦氣寒無毒

下氣涼心止血破惡血血淋尿血女人血氣心痛療金瘡生肌

薑黃 味辛苦氣寒又云溫無毒

主心腹結積下氣脹破血通月經治撲損瘀血產後敗血攻

心消癰腫

延胡索 味辛苦氣溫無毒

破血理月經不調產後血暈暴血冲上又治心氣痛小腹痛

暴腰痛

香附 味甘氣微寒無毒

除胸中熱下氣開鬱逐凝血炒黑止血治崩漏血中之氣藥
能引血藥至氣分而生血婦人之仙藥也又婦人乳腫痛搗
末醋煮厚傳之

旱蓮草

味甘酸氣平無毒

主金刀撲損血不止烏鬚髮及齒血出疼痛

劉寄奴

味苦氣溫無毒

主破血產後餘疾下血止痛極効又治心腹痛水脹

柴胡

君味苦氣平微寒無毒

去腸胃結氣明目除往來寒熱傷寒寒熱本經頭痛在經主
氣在臟主血瘡症必用之又能引清氣行陽道升提胃氣

前胡

使味苦微寒無毒

主心腹結氣頭痛去痰實下氣療傷寒寒熱明目治小兒一
切疳氣

黃連

臣味苦氣寒無毒酒炒上行姜汁炒辛散

主目痛赤腫背傷淚出腸癰腹痛下痢赤白婦人陰腫痛鎮
肝益膽解熱毒瀉心火止驚消渴調胃厚腸除脾胃濕熱煩
燥惡心鬱熱在中焦兀兀欲吐心下痞滿及諸瘡腫毒又主
小兒疳氣

胡黃連

味苦氣平無毒

主久痢成疳溫瘧骨蒸勞熱補肝瞻明目理小兒驚癇治婦

人胎蒸虛驚

黃芩

臣味苦氣平寒無毒

枯飄者名宿芩主諸熱黃疸火瘍目赤腫疼解肌熱泄肺火消膈上熱痰療天行熱疾疔瘡乳癰發背酒炒上行主上部積血條實者名子芩入大腸除熱補膀胱不足治下痢膿血腹痛後重身熱又安胎

草龍膽

君味苦澁氣大寒無毒

主骨間寒熱胃中伏熱時氣溫熱黃疸下焦濕熱益肝膽止驚惕酒浸上行治兩目赤腫睛脹痰肉高起又療小兒驚癇客忤疝氣

防己

君味辛苦氣平寒無毒漢防己主小氣水防己主風

主風寒濕瘡熱氣諸癰利大小便療腰已下濕熱脚氣去膀胱熱及傷寒寒熱肺氣喘嗽膈間脂滿殺癰腫惡結諸疥癬蟲瘡

葛根

臣味甘氣平無毒葉主金瘡止血花解酒

主消渴大熱嘔吐療傷寒中風頭痛解肌發表出汗治脾虛而渴除胃熱解酒

瓜蒌根

味苦氣寒無毒反烏頭

主消渴身熱煩滿除腸胃中瘕熱黃疸唇乾口燥排膿消腫生肌長肉消乳癰發背痔瘻瘡癰撲損瘀血○仁味苦甘性

潤治痰嗽利胸膈甘能補肺潤能降氣治痰之要藥又消乳
癰腫

苦參 味苦氣寒沉無毒反藜蘆

主心腹結氣黃疸溺瀝除癰腫療腸癖熱痢皮肌煩熱洗虫
疥治大瘋眉脫及遍身熱癩陰處癩瘡

青黛 君味酸甘氣寒

解諸藥毒收五臟鬱火小兒驚癇疳熱瀉肝殺虫又傳熱瘡

惡腫金瘡蛇犬等毒

茵陳蒿 使味苦辛氣平微寒無毒

主風濕寒熱邪氣熱結黃疸通身發黃小便不利解傷寒煩

熱腦痛化痰利膈行滯氣

知母 君味苦辛氣寒無毒

主口乾消渴浮腫下水補不足瀉腎火治有汗骨蒸傷寒久

瘧煩熱消痰止咳潤心肺又治溪毒大勝

貝母 臣味辛苦氣平微寒無毒反烏頭

主喉痺乳難欬嗽上氣消痰潤肺散心胸鬱結項下瘤癭敷

惡瘡欬瘡口治人面瘡胞衣不出酒調七枚服

地骨皮 味苦氣寒

主熱中消渴風濕周痺解有汗骨蒸去肌熱涼血堅筋骨利

大小腸

蔡薺

臣味苦辛氣溫無毒元用薑水浸一宿去蘆

主欬逆上氣益肺療肺痿欬唾膿血消痰止喘及小兒驚癇

百部使味甘苦氣微溫無毒

主肺虛欬嗽潤肺治疴疔虻傳尸骨蒸殺寸白

款冬花君味辛甘氣溫無毒

主欬逆上氣喘息涕唾寒熱邪氣潤心肺消痰止嗽治喉痺

肺痿肺癰吐膿血

馬兜鈴味苦寒無毒

主肺熱欬嗽氣上逆痰結喘促又薰血痔瘻瘡

桔梗臣味辛苦氣微溫有小毒

主胸膈痛腹滿腸鳴驚悸鼻塞咽痛利胸膈治肺熱欬逆消

痰癆小兒驚癇客忤載訣藥不沉又能開提氣血

葶根使味甘氣寒

主小兒赤丹癰疽發背疔瘡乳房毒箭蛇咬妊娘胎動產前

後心煩天行熱病狂渴解金石藥毒

蘆根使味甘氣寒

主消渴客熱嘔噦止小便治時疾煩悶妊孕心熱胃中煩熱

獨活一名羌活君味苦甘氣平微溫

羌活主賊風失音不語多痺血癩手足不遂口面喎斜遍身

疥癬痲痛去風濕淨川芎治足太陽少陰頭痛○獨活治痛

足少陰伏風兩足寒濕不能動止又主風毒齒痛加細辛
治少陰經頭痛

升麻 味甘苦氣平微寒無毒

解百毒疫瘴邪氣蠱毒中惡腹痛時氣頭痛風腫肺痿肺癰
熱壅膿血瘡家之聖藥及發散本經風邪若元氣不足陽氣
下陷用此升提又治小兒風癩時熱痘疹

細辛 臣味大辛氣溫無毒反藜蘆

治少陰頭痛百節拘攣風濕痺痛消死肌溫中下氣開胸中
滯除齒痛口臭喉痺齧鼻風眼淚下療血閉下乳結利九竅
防風 臣味甘辛氣溫無毒

主大風頭痛惡風風邪目盲風行周身骨節疼痛四肢攣急
瀉肺實散頭目中滯除上焦風邪之仙藥

乾姜 臣味辛氣溫大熱無毒

生用味辛散寒邪去風濕痺治肺寒咳嗽炮製溫脾理中治
裏寒泄痢霍亂脹滿腹中冷痛中下焦寒濕腎中無陽脉氣
欲絕與補陰藥同用能引血藥入氣分生血炒黑治產後血
虛發熱止唾血痢血

生姜 使味辛甘氣微溫無毒

主傷寒頭痛鼻塞欬逆上氣入肺開胃口散風寒治痰嗽止
嘔吐去穢氣通神明

麻黃 君味甘氣溫無毒

主中風傷寒頭痛溫瘧瘵表除寒熱發太陽少陰經寒邪泄
衛實消赤黑斑治身上毒風不仁小兒瘡泡倒靨蜜炒煎服
根節能止汗

白芷 君味辛氣溫無毒

主頭風目淚長肌膚去面癩手陽明頭痛中風寒熱解利藥
也又治心腹血刺痛女人血閉陰腫乳癰發背瘰癧腸風痔
瘻一切瘡疥排膿止痛內托生肌

藁本 臣味辛苦氣溫無毒

寒犯腦髓痛能引諸藥上至巔頂又治婦人冷瘕陰中寒腫
天麻 味辛甘氣平無毒

主頭風諸風濕痺癰腫四肢拘攣小兒風癇驚氣利腰膝強
筋骨通血脉

蒼耳實 味苦甘氣溫入藥炒用葉味苦辛微寒治瘰癧同

主風頭寒痛風濕周痺四肢拘攣惡肉死肌瘰癧疥癬

秦艽 味苦辛氣平微溫

主寒濕風痺肢節痛利小便療風無問久新通身攣急及五
種疸病

狗脊 味苦甘氣平微溫無毒

主腰背強緩急周痺寒濕男子腰膝痛續筋骨堅利俛仰
白鮮臣味苦酸氣寒無毒

主頭風黃疸淋瀝女子陰中腫痛濕痺死肌不可屈伸治一切瘡熱疥癬

水萍味辛酸氣寒無毒

主暴熱身痒下水氣歌云不在山兮不在岸採我之時七月

半論甚癰風與緩風此少微風都不美豆淋酒內下三錢鐵

僕頭上也出汗

本賊味甘微苦無毒

主百疾退翳膜益肝膽明目療婦人月水不斷

豨薟味苦寒有小毒夏月採葉暴乾蜜酒拌九蒸九晒

治肝腎風氣四肢麻痺骨間疼腰膝無力行大腸氣補虛生

毛髮兼療風濕瘡婦人子宮久冷

附子使味辛甘氣溫大熱有大毒

主風寒欬逆邪氣金瘡破癥積血瘕寒濕拘攣膝痛不能行

步腰脊風寒陰毒傷寒迷悶不省四肢厥逆心腹冷痛霍亂

轉筋下痢除腎中寒甚白朮為佐除寒濕之聖藥又墮胎為

百藥長入手少陽三焦命門性走而不守浮中沉無所不至

童便煮以殺其毒可助下行入益尤捷

烏頭使味辛甘氣溫大熱有大毒反半夏貝母白蘘白芩

主守風惡風洗洗出汗除寒濕痺欬逆上氣破積聚消胸上
發瘰癧肩甲臍痛不可俛仰又墮胎治風痺血痺半身不遂行
經藥也

六雄 君味辛甘氣大溫有大毒

主風寒濕痺拘攣關節重痛不能行步頭面風痛破積聚瘰
癧強筋骨調血脉消風痰墮胎

單撥 味辛大溫無毒

主溫中下氣補腰脚消食除胃冷陰疝腎冷治冷氣心痛婦
人陰冷

半夏 使味辛微苦氣平生微寒熱溫有毒反烏頭

主傷寒熱心下堅喉痛頭眩胸膈欬逆腸鳴止汗消痰

吐痰瘰癧瘰癧脾胃去胸中寒痰太陰痰厥頭痛墮胎全
應妊婦姜炒用渴症禁用

天南星 味苦辛氣平有毒入藥炮用

除風痰麻痺破堅積消癰腫利胸膈散金瘡撲損瘀血瘰癧
新惡瘡墮胎為末臘月入黑牛膽中陰乾治小兒驚痰尤良
辛膽拌過數次者可當牛黃用

何首烏 味甘苦澁氣微溫無毒忌鐵器雄者赤雌者白頭

主瘰癧消癰種瘰癧頭面風及腰膝病拌黑豈蒸熟益血氣黑
髮鬚長筋骨補精髓令人有子

威靈仙 味苦氣溫無毒

治大風皮膚風痒痛大腸風宣通五臟去腹內冷滯心膈痰水癥瘕氣塊膀胱宿膿惡水腰膝冷痛脚疾不能行履及治折傷

仙茅 味辛氣溫有毒米泔浸去赤汁用忌鉄器及牛乳黑牛肉

主腰脚風冷攣痺不能行丈夫虛勞老人失溺益陽道助筋

白附子 味甘辛氣溫無毒一云有小毒

主心痛血痺行藥勢治中風失音諸風冷氣疥癬風瘡頭面痕陰囊下濕

高良姜 使味辛苦氣大溫無毒

主胃中冷逆衝心霍亂腹痛及噦嘔食轉健脾消食

草薢 味苦甘氣平無毒

主腰背痛風寒濕痺惡瘡熱氣傷中悲怒陰痿失溺強骨節療老人五緩

葫蘆巴 味苦氣溫

主五臟虛冷氣腎虛冷腹脇脹滿面色青黑膀胱疝氣

白頭翁 味甘苦氣溫一云寒無毒一云有毒

主溫瘧狂易寒熱癥積腹痛癭氣項下瘤瘰赤毒血痢逐血止痛療金瘡鼻衄一切風氣及百節骨痛

阿魏 味辛氣平熱無毒

殺諸虫去臭氣破癥積下惡氣治心腹痛辟瘟瘴傳尸蟲毒
木香君味辛苦氣溫無毒

調諸氣散肺滯行肝氣治中下焦氣結積年冷氣痛痞癖脹
痛九種心痛女人血氣刺痛止霍亂吐瀉嘔逆反胃安胎健
脾火煨實大腸和黃連治痢又療癰腫禦霧氣
茴香味辛氣平無毒入藥妙用

主乾濕脚氣膀胱冷疝腎勞或連陰髀間痛牽引入小腹
肉荳蔻君味苦辛氣溫無毒麩包煨入藥

溫中開胃下氣消食治積冷心腹脹痛脾胃虛冷虛洩赤白
痢小兒傷乳吐逆泄瀉之要藥

白荳蔻味辛氣大溫無毒

主積冷氣止吐逆反胃消穀下氣胃冷宜服又散肺中滯氣
草荳蔻味辛氣溫無毒

溫中療心腹痛嘔吐霍亂治風寒客邪在胃作痛散冷氣消
酒毒

砂仁君味辛苦氣溫無毒

主冷瀉宿食不消赤白痢休息痢溫脾下氣散脾胃滯氣腹
中冷痛妊娠胎痛安胎之要藥

萆澄茄味辛氣溫無毒

主下氣消食腹間氣脹心腹冷痛霍亂吐瀉膀胱腎冷

使君子味甘氣溫無毒凡用去皮殼炒如單用不可多

小兒五疳小便白濁殺蛔虫療疳瀉

盧薈味苦氣寒無毒

主胸膈熱氣明目鎮心療小兒疳熱五疳殺三虫解巴豆毒

京三稜味苦辛氣平無毒

治癥瘕結塊婦人血脉不調心腹痛落胎消惡血破血中之

氣損真元虛者勿用

蓬莪茂味苦辛氣溫無毒

主心腹痛霍亂冷氣飲食不消療婦人血氣痛通月經消痰

血治積聚諸氣為要藥

大黃使味苦氣大寒無毒

主下瘀血破癥積蕩滌腸胃瀉諸實熱不通心腹脹滿下大

便燥結又散一切瘡毒癰腫

葶蘆味辛苦氣大寒無毒人虛禁用

破堅逐邪利水降氣治皮間邪水上出面目浮腫及肺壅欬

嗽喘促痰飲

澤瀉君味甘鹹氣寒無毒除濕行水要藥

入膀胱腎經治淋閉逐膀胱三焦停水瀉腎邪去陰間汗療

乳難

旋復花使味鹹甘氣溫一云冷利有無毒

主胸上痰結膈滿除水利大腸去五臟寒熱治頭風明目療傷寒汗下後痞堅噎氣傳金瘡止血

木通

臣味辛甘氣平無毒又一種體輕色白者名通草利陰竅行小水

除脾胃寒熱五淋利小便導小腸熱治脾疸出音聲療耳聾鼻塞散癰腫結熱臄鼻息肉女人血閉催生墮胎下乳

瞿麥 臣味苦辛氣寒無毒

主關格癰結小便不通出刺決癰腫排膿明目去翳破胎下閉血逐膀胱邪逆

百合 使味甘氣平無毒

歛肺痿勞嗽除浮腫利大小便殺蟲毒療乳難喉背諸瘡腫

治傷寒後百合病

紫草

味苦氣寒無毒

通水道療小兒血熱瘡痘

燈心草

清心安神利水燒灰存性塗乳上與小兒吮之止夜啼

石韋

使味甘氣平微寒無毒凡用去毛微炒

主癰閉不通止煩下氣補五勞益精氣療發背

海藻

臣味苦鹹氣寒無毒反甘草

主癰瘤氣頸下核散結氣下十二水腫療疝氣下墜疼痛

澤蘭 使味甘辛氣微溫無毒

主乳婦內衄四肢浮腫金瘡癰腫養血氣治產前後百病

昆布 臣味鹹氣寒無毒

主十二水腫癭瘤結氣瘰癧癰疽

甘遂 味苦氣大寒有毒反甘草

主大腹疝瘕腹滿面目浮腫破癥積利水穀導胸中水結

大戟 使味苦甘氣寒有毒反甘草

主蠱毒十二水腹滿急痛積聚癥結中風皮膚疼痛吐逆

主通月水墮胎療癰腫

澤漆 使味苦辛氣微寒無毒一云微毒

主皮膚熱大腹水氣四肢面目浮腫丈夫陰氣不足

芫花 使味辛苦氣溫有毒反甘草

主欬逆上氣喉鳴喘急咽腫短氣疝瘕癰腫消胸中痰五水

在五臟皮膚及腰痛

商陸 使味辛甘酸氣平有毒如人形者有神

主水腫疝瘕熱毒殺鬼物蠱毒療惡瘡癰腫又墮胎

牽牛子 味苦氣寒有毒黑白二種氣藥引之入氣血藥引之入血大瀉元氣慎用之

主下氣療腳滿水腫除風毒利大小便落胎

蓖麻子 味辛氣平有毒紫治疥風腫

主身體瘡疥癩一切腫毒瘰癧屬風手指牽曲鼻塌及水

脹浮腫尸症惡氣又催生治胞衣不下

海金沙

通利小腸得施子牙硝療傷寒狂熱

白葛 味苦氣平無毒

解蛇蜂狂犬菜肉蠱毒鬼症風症諸大毒入腹煮飲即消

常山 味苦辛氣寒有毒忌葱蒜菜鷄肉

主寒熱溫瘧胸中痰結能吐瘡療鬼蠱水脹

淫羊藿 味辛寒無毒

治冷風勞氣補腰膝療男絕陽不興女絕陰無子筋骨掣急

四肢不仁老人昏耄健忘利小便

續隨子 味辛氣溫有毒

主婦人血結月閉癥癖痰血蠱毒鬼症心腹痛冷氣脹滿利

大小腸除痰飲積聚下惡滯物

鶴虱 味苦氣平有小毒

主魃蠅蟲咬心腹痛殺虫最要

紫河車 一名重樓金線味苦氣微寒有毒

主驚癇搖頭弄舌熱氣在腹癩疾癰蝕殺三虫蛇毒解百毒

馬鞭草 味甘苦寒有小毒

治溫厲陰瘡通月水破癥瘕下惡血喉腫連頰吐氣數者名
馬猴痺搗汁服之

蛇床子 君味苦辛甘氣平無毒

煖婦人子臙令男子陰強治腰膝疼四肢頑痺陰汗濕痒大風身痒煎湯浴之又產後陰下脫絹袋盛蒸熨之

王不留行 味苦甘氣平無毒

主金瘡止血逐痛出刺除痺療風毒風癩癰疽惡瘡乳癭婦人難產及經脉不勻

牛蒡子 味辛苦氣平根葉搗封熱毒快瘡金瘡風毒癩腫

明日癩風毒癩癰喉痺風熱痰壅咽隔不利齒痛頭面浮腫

草蒿 味苦氣寒無毒

塞鼻傳金瘡主婦人血氣膈內滿及冷熱久痢止瀉開胃

童便浸製治勞瘦留熱在骨節間良

藜蘆 使味辛苦氣寒有毒反細辛芍藥五參

主頭秃疥癩惡瘡殺虫去死肌療喉痺不通治馬刀爛瘡吐

上膈風痰蠱毒

射干 使味苦氣平微溫有毒

散結氣腫毒行太陰厥陰積痰消結核除腹中邪逐胸滿腹

脹通月閉化痰血

山莖根 味甘氣寒無毒

解諸藥毒止痛消瘡腫殺寸白含口中解咽喉腫痛

白欬 使味苦甘氣平微寒無毒

散結氣除熱治目中赤女子陰腫痛湯火刀箭傷疔瘡發背
癰腫諸毒

白芨 使味苦辛氣平微寒無毒

主癰腫惡瘡敗疽疔肌賊風鬼擊除白癬疥虫

羊蹄根 味苦氣寒無毒

主頭禿疥癩女子陰蝕男婦坐板瘡醋磨塗癬產後兒枕痛
取羊蹄子微炒水煎服神効

連翹 使味苦氣平微寒無毒

主寒熱鼠瘻癰腫惡瘡癭瘤結熱蠱毒瀉心火脾胃濕
熱通五淋及月經除小兒心經客熱

下草灰 五月五日採百草陰乾燒灰水團重燒令白醋和
為餅

腋臭腋下換之乾即易當抽一身痛悶瘡出即止以水及小
便洗之不過三兩度又治金瘡止血生肌

金星草 味苦氣寒無毒冬月不凋葉背有黃點兩行相對

解硫黃丹石毒療癰疽發背瘡腫結根浸油敷頭長髮

蒲公英 味甘氣平無毒

主乳癰疔腫諸瘡及惡刺化熱毒消結核

穀精草 味辛氣溫無毒

主眼疾喉痺齒痛及諸瘡疥

夏枯草 味苦辛氣寒無毒

主寒熱瘰癧鼠瘻頭瘡破癥散癭結氣脚腫濕痺

山慈菇

有小毒葉似韭花似燈籠色曰慈菇上有毛衣包裏四月開花五月苗枯記其處秋冬取之

主癰腫瘡癩瘰癧結核又解毒勿誤用老鴉蒜無効

千里光

味苦甘寒無毒

退熱明目煎膏點楊梅瘡瘻鵝掌風煎湯洗諸瘡癬疥

金銀花

味甘溫無毒

解諸熱毒治癰疽發背并五種飛尸小兒痘疹熱毒

貫衆

味苦微寒有毒

治金瘡破癥結殺諸虫療腹中邪熱氣解毒除頭風

藥性本部

桂

味辛氣溫無毒有三種所出各異為治亦別

桂枝治頭目表散風邪能使邪退汗止○肉桂補腎氣及下

焦寒令秋冬下部腹痛非此不除又通婦女月經○桂心柳

桂味俱淡尤宜治上焦藥及橫行手臂

槐實

臣味苦酸醜氣寒無毒

主五內邪熱五痔火瘡婦人乳癥子臟急痛產門痒痛墮胎

催生及男婦陰瘡濕痒○枝洗瘡及陰囊濕痒煨灰揩齒去

虫○花味苦涼治大腸熱五痔及諸瘡毒心痛眼赤皮膚風

并腸風瀉血赤白痢

栢實

君味甘辛氣平無毒用扁葉者名側栢

主驚悸益氣血治恍惚虛損腰重痛潤腎燥去頭風與陽道
○葉味苦澁氣微溫主吐血衄血崩中赤白尿血去濕
痺熬油敷頭瘡生髮

松脂使味苦甘氣溫無毒

主癰疽惡瘡頭瘍白禿疥癩風氣殺牙虫貼諸瘡生肌止痛
煉之令白如玉除胃熱咽乾消渴及風痺死肌癰節風惡風
癩疾○節氣溫主百節久風脚痺軟疼痛燥血中之濕○花
久服輕身療病

茯苓臣味甘淡氣平無毒

主胸脇逆氣憂恚心下結痛寒熱煩滿欬逆利小便淋結膈

中痰水肺痿痰壅調胃氣伐腎邪降肺火除濕行水之聖藥
白者補赤者利又赤者破結氣如小便多及汗多陰虛者不
宜服

茯神君

主風眩五勞口乾安神定驚馬療善忘治心下急痛堅滿人虛
小腸不利加用之

琥珀君味甘氣平無毒

定魂魄殺精鬼蠱毒利小便通五淋明目摩翳止心痛破結
癥瘕血產後血暈止血生肌合金瘡

柳氣寒

枝葉及皮根煎膏塗癰腫疔瘡乳癬枝煎汁治齒痛

枸杞 味甘氣微寒無毒

主熱中消渴堅筋骨強陰益精血明目療皮膚骨節間風濕

風眼赤痛

藥條 味甘氣平無毒

主心虛煩液流不絕或飲虛汗補中益肝氣膽實多睡盡

主思慮虛不寐或心驚悸

味甘氣平無毒

主心虛煩液流不絕或飲虛汗補中益肝氣膽實多睡盡

主思慮虛不寐或心驚悸

主思慮虛不寐或心驚悸

主思慮虛不寐或心驚悸

黃蘗 使味甘微辛氣寒無毒

主五臟腸胃結熱黃疸腸痔止洩痢女子漏下赤白男子口

舌莖上瘡補腎水膀胱不足脚膝無力瀉膀胱熱清小便降

相火治骨蒸勞陰痿洗肝明目療鼻衄吐血下血小腸虛痛

竹葉 味甘氣平寒無毒

涼心除煩熱風淫喉痺嘔吐止渴○淡竹葉味辛甘氣寒主

胸中痰熱欬逆上氣吐血熱毒壓丹石毒止消渴○竹瀝味

甘性緩治卒中風失音宵中熱狂煩悶壯熱頭風孕婦頭旋

消虛痰又痰在四肢非此不除止驚悸溫疫迷悶小兒驚癇
天吊○竹茹味苦氣微寒主嘔吐噎膈溫氣寒熱吐血衄血
崩中溢筋○苦竹葉及瀝療口瘡目赤痛解酒毒下熱壅醋
浸治齒間血出

楮實 味甘氣寒無毒

主陰痿水腫益氣補虛勞助腰膝充肌膚明目

山茱萸 使味酸澁氣平微溫無毒凡用去核能滑精

補腎氣興陽道堅長陰莖添精髓止小便煖腰膝療耳鳴止
女人月水不定老人尿不節

五加皮 味辛苦氣溫微寒無毒

主疝氣腹痛益精堅筋骨療小兒不能行女子陰痒男子陰
痿囊濕小便遺瀝腰脊脚痛四肢攣急

杜仲 味辛甘氣平溫無毒凡用去粗皮姜汁炒去絲

治腰脊痛脚酸補中益精堅骨除陰下濕止小便遺瀝

女貞實 味苦甘氣平無毒

補中養精神蜜酒拌九蒸九晒服之黑鬚髮

桑根白皮 使味甘辛氣溫無毒出上上者殺人

瀉肺氣定喘嗽治唾血虛勞客熱消痰止渴去肺中水氣浮
腫腹滿利水道作線可縫金瘡更以熟鷄血塗之○葉除風
痛痒秋月收陰乾可洗風熱眼○枝條療風痒脚氣拘攣○

樹皮中白汁主小兒口舌瘡鵝口又塗金刀傷燥痛傳蛇咬
蜈蚣毒○樹皮裹刀傷止血○椹止消渴黑鬚髮

桑寄生 臣味苦甘氣平無毒

腰痛小兒背強安胎堅齒療金瘡女子崩中不足懷妊漏

止產後餘疾下乳汁

益智子 味辛氣溫無毒主君相二火

遺精虛漏小便遺瀝及夜多小便益氣補不足調諸氣

蔓荆實

臣味辛鹹氣溫有毒入藥炒用生漆去蔓

結腰疼女子心癢經脈不通治心痛

蔓荆實 味苦辛氣微寒無毒

主筋骨寒熱濕痺拘攣明目堅齒療睛痛淚出治太陽頭痛

頭風昏悶

杜荊實 味苦氣溫無毒

主除骨間寒熱通利胃氣止欬逆下氣○荊瀝去心悶煩熱

頭旋目眩瀆瀆欲吐卒失音小兒心熱驚癇氣實痰盛人之直

辛夷 臣味辛氣溫無毒斤用去心及外毛

主風頭腦痛溫中解肌通鼻塞涕出治面腫牽引齒痛

蕤核 使味甘氣溫

主心腹結氣目赤腫痛風痺淚出

釣藤 臣味甘氣微寒無毒

主小兒寒熱十二驚癇客忤胎風

秦皮 味苦氣寒無毒

主風寒濕痺洗洗寒氣肝中久熱兩目赤腫痛風淚不止青

腎白膜療小兒癩

蜜蒙花 味甘氣平微寒無毒

主青盲膚腎赤澁多眵淚消目中赤脉小兒疳氣攻眼

丁香 臣味辛氣溫無毒

溫脾胃止霍亂嘔逆冷氣腹痛治口氣齒疳蠱腎氣貴豚壯

陽暖暖燥 母丁香為末納心口中治陰冷病

蘇合香 味甘氣溫無毒

主辟惡邪殺鬼精物溫瘡蠱毒癩瘡去三虫

沉香 味辛氣溫無毒

療水腫去惡氣補命門壯元陽暖腰膝散滯氣保和衛氣止

轉筋吐瀉冷氣麻痺骨節不仁濕風膚痒心腹痛氣痢

藿香 味甘氣微溫

主霍亂心痛助脾開胃溫中快氣治吐逆療風水腫毒

龍腦香 味辛苦氣溫無毒

王風濕積聚耳聾眵目通關膈治大人小兒風涎閉塞及恭

驚熱

安息香 味辛苦氣平無毒

主心腹惡氣鬼疰邪氣蠱毒疔之辟衆惡

乳香 味辛苦氣溫

主風水腫毒去惡氣療諸瘡調血氣定諸經之痛治心腹痛

倍生又煎膏止痛長肉

沒藥 味苦辛氣平無毒

破血止痛療金瘡疥瘡諸惡瘡痔月中醫痛膚赤婦人產後

血氣痛打撲損傷

檳榔 君味辛苦氣溫無毒

主消穀逐水除後重痰癖心痛如虫破滯氣泄胸中至高之

氣又治脚氣衝心

枳殼 使味苦酸辛氣微寒無毒

主胸膈痞塞散結逐水消脹滿安胃化痰消食除寒熱結痢

走大腸泄肺氣損胸中至高之氣又治遍身風癩

枳實 臣味苦酸氣寒無毒

主胸膈痰癖逐停水破積消脹滿痞痛去脾經積血傷寒結

胸又治逆氣脅痛消食安胃

厚朴 臣味苦辛氣溫無毒入心脾姜汁炒

主傷寒頭痛寒熱驚悸去三虫溫中消痰化食厚腸胃走冷

氣療霍亂胃中逆冷嘔吐酸水洩利淋露破宿血消死肌治

腹痛脹滿

茗茶

味甘苦氣微寒無毒

清頭目利小便去痰熱止渴下氣消食

烏藥

味辛氣溫無毒

主中惡心腹痛蠱毒浴食天行疫瘡傍胱腎氣攻冲及婦人

血氣小兒腹中結聚又治猫犬百病

巴豆

使令辛氣溫有大毒急則生用緩則炒紫黑用

破癥結去積滯逐痰藏癩通月經殺虫去惡而排膿消腫除聚

瘰癧毒反箭鏃入骨不可拔

皂角

味辛氣微溫無毒

主風痺死肌邪氣通關竅殺虫療腹脹破堅癥墮胎治卒中

風昏迷鬼魘卒死卒頭痛為末吹鼻中煎膏貼一切腫毒止

痛○皂角刺治瘡用之直達瘡所

大腹

味辛氣微溫無毒

主冷熱氣攻心腹大腸壅毒痰漏醋心下一切氣健脾開胃

猪苓

臣味甘苦而淡氣平無毒

除濕利水道治渴解傷寒瘟疫大熱發汗療腫脹逆脚至小

腹者

郁李仁

臣味酸苦氣平無毒

主大腹水腫面目四肢浮腫腸中結氣通關利水破血潤燥

吳茱萸 味辛苦氣溫大熱有毒

主欬逆寒熱除濕血痺逐風邪開腠理治寒邪痛氣不得上

下脾胃傷冷心腹絞痛霍亂轉筋嘔逆胸滿及下焦寒濕疝

痛脚氣衝心

蜀椒 使味辛氣溫大熱有毒凡用微炒出汗去閉口者椒目行水道治水蠱

主邪氣欬逆溫中逐骨節皮膚死肌寒濕痺痛下氣除六腑

寒冷大風汗不出心腹冷氣痛齒痛陰汗牡陽縮小便開腠

理通血脉

胡椒 味辛氣大溫無毒不可多食大傷脾胃肺氣

主下氣溫中去寒痰止霍亂心腹冷痛及冷痢殺一切魚肉

鼈單毒

棟實 味苦氣寒有小毒

主大熱煩狂殺三虫疥瘍利水道治上下部腹痛心暴痛○

根東行者療蛇虫

訶梨勒 味苦酸氣溫性急善降無毒去核用

瀉腸止久痢赤白霍亂吐瀉肺氣久傷脹滿喘急痰嗽咽喉

不利又主冷氣心腹脹滿胸膈結氣消痰下食開胃

麒麟竭 味甘鹹氣平有小毒不可多用能引膿

止痛破積血療金瘡生肉傅一切惡瘡久不合者療打傷損

折血聚

紫葳

臣味酸氣微寒無毒即凌霄花

主婦人產乳餘疾崩中漏下癥瘕血閉血痛寒熱羸瘦養胎

松烟墨

味辛無毒

止血生肌合金瘡主產後血暈崩中下血止血痢又治天絲

眼及小兒客忤

天竺黃

味甘氣寒無毒

鎮心明目去諸風熱療金瘡止血治小兒驚風天吊客忤痰

壅失音

蘇方木

味甘酸氣平無毒

破血排膿止痛消癰腫撲損瘀血治婦人血氣心腹痛血閉

血暈

樓櫚味苦澁氣平入藥燒灰

治鼻衄吐血崩中帶下腸風

楓香脂

味辛苦氣平無毒一名白膠香

主癰疹風痒浮腫齒痛外科要藥○大楓子主風瘡疥癬

蕪荑使味辛氣平無毒

殺虫化食治腸風痔瘻疥癬散皮膚骨節中濕毒

雷丸

君味苦酸氣寒有小毒

殺虫逐毒氣及胃中熱除小兒百病皮中熱積蠱毒

五倍子

味苦酸氣平無毒

療齒宣疔靈腸虛泄瀉肺臟風毒流皮膚作瘡癬膿水五痔
下血消頑痰治小兒面鼻疔瘡口瘡洗眼去熱腫痒痛鮮諸
熱毒

樗白皮 使味苦澁氣寒有毒

主赤白久痢及小兒疳痢殺口鼻疔虫蛔虫腸滑痔疾瀉血
不住女子血崩月信來多赤白帶下又縮小便

浸石子 味苦溫無毒出波斯國有窠者良

主腸虛冷痢益精血烏鬚髮治陰瘡陰汗生肌療小兒疳

木鱉子 味甘氣溫無毒

主折傷消結腫惡瘡生肌止腰痛肛門腫痛婦人乳痛

金櫻子 味酸澁平溫無毒

養精益腎止夢遺滑泄小便遺瀝

藥性菜部

冬葵子 味甘氣寒性滑利無毒黃蜀葵子亦能催生

利小便療婦人產難乳難下乳汁破癰瘰未潰者

萊菔根 味辛甘氣溫平無毒俗名蘿蔔

下氣消穀去痰止嗽解麵毒生搗汁服主消渴治肺痿止血
消血○子治喘嗽下氣消食水研服吐風痰醋研塗消腫

白芥子 味辛氣溫無毒

主胸膈痰冷面黃痰在皮裡膜外非此不能導

馬齒莧 味酸氣寒性滑無毒入藥去莖葉

主目翳利大小便止赤白下殺虫止渴破癥結癰瘡和蒜
封疔腫煎膏塗三十六種風結瘡又塗白禿濕癬疥
惡瘡

瓜蒂 使味苦氣寒有毒甜瓜也

主大水身面四肢浮腫殺蠱毒治喉風痰塞黃疸及食
病在胸腹中皆吐下之去鼻中息肉

茄根 茄性寒能殺瘡長痼疾不可多食常燒下

主凍脚瘡腎臟一風及遍身風痒煎湯漬之利風集浸酒飲
風濕拘攣

胡荽 味辛氣溫微毒

消穀利大小腸通小腹氣心竅久食損精神發腋臭脚氣小
兒痘疹不出酒煎噴之自然紅潤

蓼

除大小腸氣霍亂轉筋又搗傳小兒頭瘡○水蓼解蛇毒煮
汁搗脚消脚氣腫痛

葱白 小辛氣溫無毒忌與蜜同食

主傷寒寒熱中風面目腫咳痺不通安胎除肝邪利五臟通
大小腸霍亂轉筋及貴脉氣脚氣心腹痛迷悶連根用治傷
寒頭痛

韭 味辛微酸氣溫性急無毒忌與蜜同食子入藥炒用韭黃滯氣花動風俱不宜食

除胃熱充肝氣下膈間痰又中風失音心脾痛胸膈氣滯中

惡腹脹並汁飲之小兒初生取汁噉之即吐惡血令無病冬

用根○子主夢泄精滑溺白

蒜 味辛氣溫有毒醋浸經年者最良

主散癰腫除風邪健胃化肉食破冷氣瘰癧辟溫瘴蠱毒蛇

虫溪毒中暑霍亂轉筋腹痛煮為羹下氣溫中消穀生食久

食傷肝損目又傷肺脾引痰

荊芥 味辛苦氣溫

主寒熱鼠瘻癰瘰諸瘡破結聚下痰血除濕痺通血脈

治頭風眩運婦人血風產後中風血暈又醋調封風毒疔腫

紫蘇 味辛甘氣溫

下氣除寒解肌發表治心腹脹滿開胃下食止脚氣通大小

腸解蟹毒○子主肺氣喘急欬逆潤心肺消痰調中下氣止

霍亂嘔吐反胃利大小便破癥結消五膈

香薷 味辛氣微溫無毒

治傷暑霍亂腹痛利小便散水腫調中溫胃

絲瓜 一名天羅有用蒂者有用了藤苦絲瓜者燒存性

解諸毒和硃砂蜜同服下小兒胎毒稀痘又治疔瘡

薄荷 使味辛苦氣涼溫無毒

薄荷 使味辛苦氣涼溫無毒

主賊風發汗利關節療頭腦風及小兒風涎驚風壯熱下氣
消食治心腹脹滿霍亂骨蒸勞熱

藥性菜部

蓮肉 味甘氣平無毒石蓮肉同

主補中養神益氣消渴止痢治腰痛泄精○藕節主吐血衄
血滑精不止○葉蒂味苦去惡血留好血血痢煮服之○蓮
房破血胎衣不下酒煮服○藕甘寒解渴解酒消痰血煮食
開胃

芡實 味甘氣平無毒

主濕痺腰脊膝痛補中益精氣強志

覆盆子 臣味甘氣平微熱無毒

主男子腎虛精竭陰痿又能令髮不白女子食之有子

山查

消食散結氣健胃益小兒行積痰滯血濃煎入沙糖治婦人
兒枕痛

陳皮 臣味辛苦氣溫無毒

利水穀除膈間痰熱導滯氣止嘔吐霍亂洩瀉去白理肺氣
降痰留白理脾胃消食○核治腰痛膀胱氣痛腎冷○青皮
味苦辛氣寒主氣滯消食破積結膈氣治小腹痛瀉肝氣醋
炒治脇痛

大棗 味甘氣平溫無毒

安中養脾平胃氣生津液和百藥

柿 味甘氣寒無毒不可與蟹同食用烏者焙乾入藥

乾柿厚腸胃澁中健胃潤喉止痢生柿解酒渴蒂止歲

梅 味酸氣平無毒

烏梅下氣除熱煩收肺氣去死肌青黑誌澁腸消酒毒去痰

治瘡癩及霍亂燥渴虛勞骨蒸休息痢燒灰傳一切惡瘡

惡肉○白梅研傳刀箭傷止血貼乳癰腫毒又出肉中刺

桃仁 使味苦甘氣平無毒

主瘀血血閉血燥癥瘕殺虫潤大便通月水○花除水腫

淋利大小便○葉除尸虫瘡中虫

杏仁 味甘苦氣溫有小毒兩仁者殺人

下氣定喘潤心肺散肺經風寒咳嗽消心下急滿痛散結潤

燥又治產乳及女子陰中蟲蛆

荔枝核 味甘平無毒

治心痛及小腸疝氣肉能熨痘

龍眼 味甘平無毒

安心志益智慧強魂通神明

木瓜 味酸氣溫無毒

主脚氣水腫濕痺霍亂吐瀉轉筋及冷熱痢心腹痛止渴降

痰腰腎脚膝無力不可缺又入肝益筋血

安石榴 味甘酸無毒

澁腸舒筋止痢治筋攣脚痛漏精煎汁調烏鬚藥花百葉者

和石灰搗傳金瘡止血

梨 味甘微酸氣寒

除客熱心煩肺熱咳嗽消渴解酒病煩渴多食令人寒中金

瘡乳婦尤不可食

胡荽 味甘氣溫無毒不可多食動風生痰助腎火

食之令人肥健黑潤鬚髮補下元取肉燒令黑和松脂開

瘰癧

枇杷葉 使味苦氣平無毒

治肺熱久嗽并渴疾又療卒嘔啞不止不欲食

沙糖 味甘氣寒無毒忌鯽魚葵菜笋

主心肺大腸熱和中助脾小兒多食損齒發疳生虫

草菓 味辛溫無毒

溫脾胃消宿食解酒毒攻冷氣治瘧疾止嘔吐

藥性穀部

胡麻 味甘氣平無毒

益氣力長肌肉填髓腦堅筋骨生者療瘡腫生秃髮金瘡止痛
齋付小兒頭瘡及浸淫惡瘡婦人陰瘡

白油麻味甘氣平無毒即芝蔴脾疾人不可食生寒燥熱

滑腸潤肌行風氣通血脉生嚼傳小兒頭瘡苗搗傳芝蔴疔

油性冷滑骨髓腸胃治細心痛傳瘡癬殺虫治熱毒癰疽瘰

背髮癢熬膏生肌長肉止痛消腫

麻子使味甘平無毒

潤大腸風熱結燥逐水破積血催生治橫逆產及下乳長髮

療骨髓風毒

生大豈使味甘內經云醜黑者入藥小者尤佳

殺烏頭諸藥毒除胃中熱痺傷中淋露逐水脹下瘀血○大

豆黃志以生豆為味甘氣平主濕痺筋牽膝痛五臟胃氣

○豆豉味苦氣寒無毒無鹽者佳主傷寒頭痛寒熱瘴氣惡毒煩

燥滿悶喘吸兩脚疼冷暴痢腹痛血痢又安胎

芥小豈使味辛甘酸氣溫平無毒

一丁牙排癰腫膿血熱中消渴止洩利小便療吐逆

白藜蘆味甘可氣微溫

和藜蘆治霍亂吐痢殺一切草木及酒毒河脫毒

藜蘆味甘氣寒無毒

藜蘆三出渴煩熱風瘰藥石發動熱氣奔豚作枕明目去

頭風

藜蘆

止渴... 止嗽... 劫病之功... 雖急殺人如劍戒之

粟夫... 鹹氣微寒無毒

養心氣... 去百熱益氣陳者味苦主胃熱消渴利小便止痢

陳廩米... 味酸暖氣溫無毒

下氣除煩渴開胃止洩

糯米... 味苦甘氣溫無毒

主溫中令人多熱大便堅稻稈治黃病通身煮汁服

大麥... 味酸甘氣溫無毒

王消渴除熱益氣調中... 麥芽補脾開胃消食破結止霍亂

心腹脹滿下氣消痰催生落胎亦行上焦滯血治產後... 結

鼓... 不可多食能消腎

小麥... 味甘鹹氣微寒無毒麵熱楚涼

除熱止燥渴利小便養肝氣治暴淋... 浮麥止盜汗治骨蒸

肌熱婦人勞熱

神麩... 味甘氣溫... 此項自製藥肆中無真者甲寅戊寅庚寅

調中開胃化水穀消食主霍亂膈氣痰逆破癥結治赤白痢

小兒腹堅下鬼胎... 製神麩法青蒿汁三升蒼耳草汁三升

蓼汁四升赤小豆三升煮搗爛杏仁四升去皮尖搗爛用白

麵十斤和勻如做麩法製成風乾炒用

酒... 味苦甘辛氣... 熱有毒

殺邪惡毒氣通血脉辟風寒霧氣養脾扶肝能導引藥勢至
諸經行一身之表極高之分味辛者能散苦者能下甘者居
中而緩淡者利小便○糟罾撲損瘀血浸洗凍瘡○丹溪云
酒濕中發熱近於相火性喜升大傷肺氣助火生痰變為諸
病戒之

醋味酸氣溫無毒多食損齒損筋骨

消癰腫飲咽瘡散水氣殺邪毒治產後并傷損金瘡血暈下
氣除煩破癥塊堅積療婦人血氣心痛

飴糖味甘氣微溫無毒

止渴消痰潤肺和脾胃魚骨梗喉及誤吞錢銀服之

不宜用嘔吐家忌之丹溪云大發濕中之熱

藥性石部

丹砂君味甘氣微寒無毒

養精神安魂魄明目通血脉止煩燥涼心熱殺鬼魅邪惡治
瘡瘍疥癩小兒初生細研蜜調塗口中能解胎毒令痘稀

雲母君味甘氣平無毒

主身皮死肌遍身風毒明目傳金瘡惡瘡

陽起石臣味鹹氣微溫無毒

主陰痿莖頭寒陰下濕痒臭汗男子婦人下部虛冷腎氣乏
絕子臟中血癥久寒

膽礬君味酸苦辛氣寒有毒

主明目目痛金瘡鼠瘻惡瘡癩瘡女子陰蝕痛石淋

空青君味甘酸氣寒無毒

主耳聾明目療赤痛去膚腎止淚出通血脉益肝氣腹中漿

點眼為最要藥殼亦可摩腎

禹餘糧君味甘氣寒無毒

主欬逆寒熱煩漏下赤白血閉癥瘕大熱

赤石脂味甘酸辛氣溫

養心氣明目益精療腹痛洩痢下痢赤白利小便女子崩

漏下

礬石使味酸鹹氣寒無毒

主寒熱洩痢白沃陰蝕惡瘡癩癧疥癬目痛療齒痛去真肉

除風消痰止渴及心肺煩熱生含治急喉痺

綠礬味涼無毒

治喉痺虫牙口瘡及惡瘡疥癬療腸風瀉血火煨醋淬入藥

治小兒疳氣

芒硝辛能潤燥鹹能軟堅

主五臟積聚久熱胃閉破留血除痰實利大小便通月水破

五淋

朴硝君味苦辛鹹氣寒有毒

主寒熱邪氣逐六腑積聚破留血停痰痞滿大小便不通治
天行熱疾消腫毒排膿軟堅

主玄明粉 味辛甘氣寒

治心熱煩燥并五臟癥結腸胃宿垢開痰明目退膈上虛熱
大除胃熱

食鹽 臣味鹹氣寒無毒

吐胸中痰癖止心腹卒痛齒縫出血引藥入腎多食傷肺喜
欬走血損筋○戎鹽明目主目痛齒舌血出去煩熱痰滿

無名異 味甘氣平無毒

主金瘡折傷肉損止痛生肌

滑石 臣味甘氣寒無毒

主身熱洩癖女子乳難癥閉利小便蕩胃中積聚寒熱燥濕
實大腑逐凝血解燥渴降妄火

石膏 臣味辛甘氣微寒無毒胃虛寒人不可服

主心下逆氣驚喘口乾舌焦腹中堅痛產乳金瘡散諸熱及
傷寒時氣頭疼壯熱日晡潮熱解肌出汗制火潤肺瀉胃火
不食又治胃熱能食緩脾益氣止渴生津又搗齒益齒

寒水石 味辛甘氣寒無毒

主身熱時氣腹中積聚邪氣皮如火燒五臟伏熱止渴解丹
石巴豆毒

雄黃君味苦甘辛氣平寒有毒

主寒熱鼠疫惡瘡疽痔死肌疥虫慝瘡中惡蠱毒腹痛殺精
物鬼邪百虫諸毒妊娠佩之轉女為男○雌黃主諸瘡虫痒
邪氣諸毒下部慝瘡

石硫黃君一云臣味酸甘氣温大熱有毒

主婦人陰蝕疽痔惡血及下部慝瘡止血殺疥虫除頭秃瘡
心腹痞癖冷氣脚冷疼弱壯陽道治下元虛冷

水銀君味辛氣寒性滑重有毒

主癰瘻痂瘍白秃殺虫墮胎除熱○硫粉味辛主瘰癧瘰癧

瘰癧瘰癧及風君味辛氣平有小毒

蜜陀僧味鹹辛甘氣平有小毒

主久痢五痔金瘡口瘡面上癩酏又為末傅腋臭

金銀味辛氣平有毒

鎮精神安魂鬼止驚悸治小兒驚風癩疾失志癲狂

珊瑚味甘氣平無毒

鎮心止驚明目去翳

碇砂使味鹹苦辛氣温有毒不可多用腐人腸胃可作金

破積聚結血爛胎止痛去惡肉生肌合他藥治目中翳

鵬砂味苦辛氣温無毒可銜金銀

消痰止咳破癥結療喉痺

磁石 味辛 鹹寒 無毒

主周痺風濕肢節痛除熱煩耳聾養腎臟強骨氣消癰腫鼠瘻頸核療小兒驚癇

硫霜 味酸 苦有毒

主諸瘡風痰在胸膈可作吐藥毒能殺人不可輕用

鐵 氣微寒

鐵汚塗惡瘡疥癬蜘蛛虫等咬○秤穰止產後血癥腹痛及瘵痺並燒令紅投酒中熟飲之又主婦人產難橫逆及胎衣不下○鐵花粉主安心神至骨髓

鎔墨

主蠱毒中惡血暈吐血酒研服亦塗金瘡生肌止血

赤銅屑 味苦 氣平 微毒

治腋臭醋和炒如麥飯袋盛先刺腋下脉去血封之又能鐸

人骨

銅青 氣平 微毒

治婦人血氣心痛合金瘡止血明目去膚赤息肉

自然銅 味辛 氣平 無毒

療撲損折傷散血止痛續筋骨破積聚

古文錢

治眼暴赤痛消腎瘴療折傷及婦人橫逆產心腹痛月隔

鉛丹 君一云臣味辛氣微寒

主吐逆胃反驚癩癩瘡除熱下氣煎膏止痛生肌

粉錫 使味辛甘氣寒無毒

殺虫去驚癥瘵惡瘡墮胎炒黑治小兒疳氣久痢

伏龍肝 味辛氣溫

主婦人崩中吐血止欬逆消癰腫毒氣妊娠時疫熱病用水

和塗臍胎不墮又療中風不語心煩手足不隨或腹中痛滿

石灰 味辛氣溫有毒石燒者佳勿用壳灰

主瘍疽疥癩熱氣惡瘡癩疾死肌殺痔虫去黑子息肉炒黃

洗產後脫肛玉門不閉五月五日採百草葉合石灰搗為團

足下生金瘡生肌止血膩月納牛膽中更勝

七寶 藥性論云

主青盲日淫膚腎漆瘡解一切藥毒蠱毒癰腫

代赭 臣一云使味苦甘氣寒無毒

主女子赤沃漏帶下產難墮胎血痺血痰小兒驚癇疳疾止

瀉痢脫肛尿血遺溺金瘡長肉

青礞石

主臟腑癥塊化痰積及小兒風痰壅滯

花乳石

傳金瘡止血不作膿又療產婦血暈惡血

臘雪味甘氣寒無毒

解一切毒治天行時氣溫疫酒後暴熱黃疸

秋露味甘氣平無毒

止渴潤肌栢葉上者明目

藥性獸部

龍骨君味甘氣平微寒無毒

治夢寐洩精小便滑洩止盜汗固氣澀腸又主痢膿血尿血
鼻血女子漏下小兒熱氣驚癇及臍瘡不瘥燒灰敷之

象牙氣平無毒用舊牙椽佳

諸鐵雜物入肉刮屑和水傅之喉中刺水調飲

牛黃君味苦氣平涼有小毒一云無毒

主驚癇寒熱癲狂中風失音安魂鬼療小兒諸癇熱口禁

牛角腮味苦氣溫性澁無毒

下瘀血疼痛女人帶下血崩不止○髓味甘補中填骨髓○
胆味苦氣大寒除心腹熱渴口焦燥益目精○肉味甘主消
渴止嘔洩安中益氣養脾胃消水腫○乳微寒補諸虛止渴

阿膠君味甘辛氣平微溫無毒山東阿縣阿井水煎黑
驢皮為之

主心腹內崩勞極洒洒如瘡腰腹痛四肢酸疼止痢養肝益
肺定喘肺震欬唾膿血非此不補又治女子下血并血虛胎
鹿茸君味甘酸人云苦辛氣溫無毒

活血養淋治癰腫骨疽瘰癧虛勞羸瘦四肢腰脊酸疼脚膝無力小便利男子漫驚女人崩中赤白帶下○角味鹹氣溫主惡瘡癰腫留血在陰中小腹急痛腰脊痛折傷惡血尿血婦人夢與鬼交取末和酒服即出鬼精○鹿角膠味甘氣平溫無毒主傷中勞絕腰痛羸瘦補中益氣婦人血閉無子瘵吐血下血崩中漏下赤白○髓味甘氣溫和地黃汁煎作膏填骨髓蜜煮壯陽令有子○肉氣溫補中益氣○腎補中壯陽

熊胆臣味苦氣寒

去目翳主時熱變黃疸及惡瘡久痔小兒驚癇五疳

麝香味辛氣溫無毒

辟惡氣殺鬼精物溫瘧熱毒癰瘡婦人難產墮胎又療蛇毒

犀角君味苦酸鹹氣寒無毒凡用以帝畏置懷中良久搗

療傷寒溫疫頭痛煩悶大熱發狂中風失音小兒風熱驚癇痘疹血熱又治發背癰疽疔毒腫破血化膿解心熱止煩亂鎮

肝明目

羚羊角臣味鹹苦氣寒無毒

明日益氣起陰安心神療小兒驚癇產後惡血煩悶治食噎

青羊肝胆

主青盲明目胆點眼中主赤障白膜風淚解蠱毒○羊肉味苦甘氣熱主煖中及大風汗出虛勞寒冷補中益氣時疾初

愈人不可食能發病

虎骨臣味辛氣微溫無毒脛骨尤佳酥炙用

主邪惡氣殺鬼疰惡瘡鼠瘻去風治筋骨臂脛挛急屈伸木
得走疰疼痛補腰膝○睛主癩疾僻惡及小兒驚癇

牡狗陰莖味鹹氣平無毒

主傷中陰痿不起令強熱大生子除女子帶下十二疾○頭
骨燒存性主金瘡止血及疽毒潰爛○白狗血主癩疾鬼擊
○肉味鹹酸性溫補絕傷壯陽道黃色者上白黑次之陰虛
發熱人不宜食不可炙食不可與蒜同食

兔頭骨味甘氣平無毒

主產難并產後胎衣餘血不下○肉補中益氣妊娠忌食○
血腦入稀痘藥腦髓塗凍瘡肝明目

豚卵味甘氣溫無毒

主驚癇癩疾除寒熱貴豚五癘邪氣挛縮○懸蹄主五痔伏
熱在腸腸癰內蝕○四足主傷挫諸敗瘡下乳汁○膽味苦
鹹主傷寒熱渴大便不通滴穀道中又傳小兒頭瘡○肉味
甘鹹多食令人暴肥引風○心主驚邪憂恚○腎理腎氣通
利膀胱○肚補中益氣止渴

膾臍君味鹹氣大熱無毒酒浸一日微火炙令香入藥

暖腰膝助陽道治臍眼積冷精衰脾胃勞極

藥性禽部

丹雄鷄味甘氣微溫無毒一云有小毒

主女子崩中漏下赤白沃補虛溫中止血○冠血主乳難療
白癩風諸瘡發小兒痘又自縊死心下溫者刺血滴口中男
雌女雄百虫入耳滴之即出○腸主遺溺小便數不禁○此
腥稟黃皮微寒主洩痢遺溺除熱止煩并尿血崩中帶下○
黑雌鷄主安胎補虛及產後虛羸治癰疽排膿補新血○黃
雌鷄味甘酸主傷中消渴小便不禁腸澼洩痢續絕傷補精
助陽○鷄子主陰熱火瘡癩瘰○卵白微寒療目熱赤痛除
心下伏熱小兒下洩○諸鷄肉俱補虛但有風人不宜食○
患骨熱者不可食能助濕中之火

白鴨

補虛除熱和臟腑利水道主病水浮腫

雀卵

味酸氣溫無毒

主男子陰痿不起強之令熱多精有子○肉大溫壯陽煖腰
膝冬月者良妊娠忌食○雄雀糞名白丁香目熱痛生弩肉
赤白膜和頭胎男乳汁點之塗癰癤立潰

夜明砂

主明日治小兒無辜症微炒為末任意拌飯與食

藥性虫魚部

石蜜君味甘氣平微温無毒

主心腹邪氣諸驚癇瘧解毒和百藥養脾胃止腸辟除口瘡
蜜蠟使味甘氣微温無毒

主下痢膿血補中續絕傷金瘡

主驚癇瘧疾癩疾蠱毒腸痔乳癰又療蜂毒

白蠟冬青樹上細虫食液而生者

生肌止血定痛續筋骨補虛全稟收斂堅凝之氣外科要藥

桑螵蛸臣味鹹甘氣平無毒桑上螻蛄子也

主女子血閉腰痛利小便療男子腎衰陰痿夢遺白濁○桑

藥導之

萬邦乎曰用藥不知性而徒信成方是以病試藥也其不全
于誤殺人也者幾希故予於本草中摘其常用藥品備錄其
温凉寒熱之性與治症之要附梓于家抄方末俾治病者按
藥性以定方而不至泥成方以誤病是亦活人濟世之一道
也遂療血血閉破癥瘕痞積

斑蝥使味辛氣寒有毒法製足妙用生則吐瀉人

主鬼疰蠱毒鼠瘻疥癬瘰癧惡瘡疽蝨疥肌破石癰通水

萬氏家抄濟世良方

卷六終

主疔腫血補中續絕傷金瘡
主疔腫血補中續絕傷金瘡

主疔腫血補中續絕傷金瘡
主疔腫血補中續絕傷金瘡

主疔腫血補中續絕傷金瘡
主疔腫血補中續絕傷金瘡

主疔腫血補中續絕傷金瘡
主疔腫血補中續絕傷金瘡

虫大能發痘隨出隨沒者用之

蟬脫

治目昏腎頭風目眩風氣客皮癢痒不已又療小兒痘疹不

快天吊驚癩瘕瘰夜啼心悸

木虫

味苦氣平微寒有毒去翅足炒用又黃虫能飛人如

主逐瘀血血閉破癥瘕痞積

斑猫

使味辛氣寒有毒去翼足炒用生則吐瀉人

主鬼疰蠱毒鼠瘻疥癬癩癰惡瘡疽蝕死肌破石癰通水道

積血傷人肌墮胎

蜻蛉

氣微寒無毒

強陰止精煖水臟用青色大眼者去翅足炒

蠅螂 使味鹹氣寒有毒去足火炙用

主小兒驚癇瘈瘲疳虫大人癩疾又研貼丁瘡惡瘡鼠瘻箭鏃入骨微焚巴莖並研塗傷處塵沙入眼取一枚手持其背於眼上影塵沙即出

蜘蛛 氣微寒有毒取身小兒大深色腹內有蒼黃膿者去

蛇蜂蜈蚣咬生置痛處令吸之又塗蠟螫取網絲纏贅疣白落發背瘡杵以醋和先挑四畔令血出根露傳之乾即易鼠瘻腫核痛已有瘡口出膿水燒二七枚傳之

蟬皮 臣味苦甘氣平無毒

主五疳瘰癧下血赤白五色血汗不止瘰癧瘰癧又腸

牡鼠 味甘氣微溫無毒

瘰癧折續筋骨油煎令消入蠟傳湯火瘡醫針人折針在肉箭鏃在隱處不出搗肝及腦塗之○糞名兩頭尖主小兒疳疾大腹時行勞復

五靈脂 味甘氣溫無毒

療心腹冷氣小兒五疳辟疫治腸風利氣脉通女子血閉產後血痛亦能止血婦人心痛血氣刺痛甚効

白姜蚕 味鹹辛氣平無毒

主小兒驚癇夜啼去三虫滅黑黥男子陰瘍女子崩中赤白

治中風失音去皮膚風動如虫并一切風疾喉痺散痰結封
疔腫傳金瘡○原蚕蛾味鹹氣溫有小毒主益精強陰交接
不倦又止泄精尿血○蚕沙氣溫主風痺癱瘓癰緩○蚕退
主血風病吐血鼻衄腸風下血小兒走馬疳
蠟味甘辛有毒洗灸用

主諸風癱瘓中風半身不遂口眼喎邪手足抽掣耳聾小兒

驚風

蜈蚣味辛氣溫有毒去頭足灸用

主鬼瘧蠱毒蛇虫魚毒去三虫療小腹寒熱積聚墮胎去血

蛤蚧味鹹氣平有小毒

主傳尸殺鬼物邪氣療欬嗽出血下淋瀝通水道

蝦蟇臣宜味辛甘氣寒有毒五月五日取者佳煮食發濕不

破癥堅療癰腫陰瘡治小兒疳氣殺疳虫鼠瘻惡瘡虫食下

部治狂犬咬狂蕪欲死○蟾酥療癰疽疔腫齒縫血出小兒

疳瘦欬風痰治腦疳乳調滴鼻中○鼈味甘寒無毒治小兒

熱瘡補虛損尤宜產婦

蝸牛味鹹氣寒無毒

主賊風蝸僻軼筋及脫肛驚癇牽縮又傳痔瘡

白頸蚯蚓味鹹氣寒有小毒

主蛇瘕去三虫伏尸療傷寒伏熱狂謬大腹黃疸利小便○

真封狂犬傷及丹瘤諸熱毒

田中環氣大寒

主目熱赤痛止消渴醒酒肉傳熱瘡壳煨治反胃

牡蠣若味鹹氣平微寒無毒

療癰癰腫瘰癧鼠疫女子帶下赤白心脅氣結痛軟積痞

澁大小腸療鬼交洩精止盜汗

石決明味鹹氣平寒無毒

主目障翳痛青盲瀉肝又除肺經風熱

海蛤臣味苦鹹寒平無毒

主欬逆定喘除煩治浮腫消水氣去癭瘤○蚶壳燒醋淬

令寧治一切血氣冷氣癰癧

珍珠君氣寒無毒

鎮心去目中膚翳障膜除小兒驚熱綿包塞耳治聾

龜甲味鹹甘氣平無毒酥或酒炙用

主漏下赤白破癥瘕瘵五痔陰蝕濕痒癰緩四肢重弱小

兒顛不合頭瘡女子陰瘡腰背酸疼骨中寒熱傷寒勞復去

瘀血續筋骨治勞倦補陰血不足

鼈甲使味鹹氣平無毒九脇者佳醋浸炙用

主心腹癥堅寒熱去痞積陰蝕并痔惡肉消瘡腫療溫瘧勞

瘦骨熱小兒脇下堅婦人漏下五色羸瘦墮胎○肉甘溫主

傷中益氣補不足忌與葱同食

蟹 味鹹氣寒有毒即場蟹

療漆瘡其黃能化漆為水壳中黃脚中髓熬為末納金瘡中能續斷筋爪墮胎破宿血及產後血閉

水蛭 使味鹹苦氣平微寒有毒即馬蝗凡用去腹中子炒

主逐惡血瘀血月閉破血殺利水道墮胎治折傷癰腫取生者置腫處令吸毒血皮皺自瘥

蝮蛇 膽味甘苦氣寒有小毒

王心腹慙痛下部慙瘡目腫小兒五疳

蛇

蛇脫味甘鹹氣平無毒主小兒一百二十種驚癇瘈瘲癩疾

寒熱腸痔盛毒蛇癩辟心明目去腎膜療諸惡瘡○白花蛇

味甘鹹氣溫有毒主中口濕痺不仁筋脉拘急口面歪斜半

身不遂骨節疼痛大風疔癩暴風瘙痒去頭尾酒灸用○烏

蛇味甘氣平無毒主風疔癩瘡疥癬皮膚不仁頭痺諸風去

頭尾酒灸用

鮫鯉甲 使氣微寒有毒一名穿山甲

治痔漏惡瘡疥癬蟻瘻瘡瘡吹乳

魚

鯽魚味甘氣溫主胃弱不下食補虛療腸癖及赤白久痢入

白礬燒灰治腸風血痢益入其腹燒之治齒痛用溪云諸魚
皆屬火惟鯽魚屬土故有調胃實腸之功○鯉魚療水腫脚
滿又安胎治懷妊身腫天行病後不可食○膽主目熱赤瘡
青盲明目塗小兒熱腫○青魚膽主目暗汁滴目中并塗惡
瘡○石首魚味甘無毒開胃益氣乾之名為養灸食之消瓜
積成水又治腹脹食不消

烏鰂魚骨使味鹹氣微温無毒

女子漏下赤白陰蝕腫痛又止瘡多膿汁不燥殺虫治心
痛消目中浮翳丈夫陰頭癰

藥性人部

亂髮

氣微温胎髮用補陰最佳童子髮次之壯健男婦髮亦可

主欬逆五淋通大小便補陰療小兒驚癇驚口瘡豌豆瘡鼻
衄血悶血暈金瘡破傷風血痢並燒灰存性用煎膏長內消
痰血

人乳汁味甘氣寒無毒

補五臟令人肥白悅懌點眼療赤痛止淚明目

人糞氣寒

療時行大熱狂走解諸毒破疔腫開以新者封之一日根爛
或燒灰醋和傳又燒存性蜜水調服治痘黑陷○糞清臘月
截竹筒浸廁中令透取汁治天行熱狂解諸毒并惡瘡毒

下人瀉氣寒重男者死良

療虛勞頭痛熱勞咳嗽肺痿除火最速主卒血攻心撲損痰
血吐血鼻洪難產及胞衣不下產後飲之能下敗血惡物氣
血虛寒不可用打撲杖瘡及蛇犬等咬熱淋患處

混當 混之當陰處割取方圓六七寸許名混當燒存性用

治陰陽易此症乃男患時病新瘥婦人與之交則男病陰易
女患時病新瘥男子與之交則女病陽易小腹絞痛手足拿
頭重目中生花者是男用女混女用男混○月水汁解毒前
入肉中欲死者

人中白 尿桶中積垢火上燒灰用

之喉衄理肺痿治緊唇及勞熱傳尸

天靈蓋 味鹹平無毒

主傳尸久病虛勞熱蒸在骨又犬咬毒入心啼如犬聲燒灰

水服又發危痘

人胞 一名紫河車頭生男子者佳

主血氣羸瘦勞損面黥皮黑腹內諸病漸瘦悴者五味和煮
食之

人牙

灰白黑陷者火煨一二重加麝香服乳癰燒灰酥調傳

藥 升降浮沉補瀉法

五十二

白布

氣寒不

手足太陽小腸

味酸補辛瀉

氣涼補溫瀉

足少陽膽

味辛補酸瀉

氣溫補涼瀉

足太陽脾

味甘補苦瀉

氣溫涼寒熱補瀉各從所宜

足少陰腎

味苦補鹹瀉

氣寒補熱瀉

手足三陽表裡引經藥

太陽手足太陽小腸

上羌活下黃柏

少陰手足少陰心腎

少陽手足少陽三焦

上柴胡下青皮

厥陰手足厥陰心肝

陽明手足陽明胃肺

上升麻白芷下石膏

太陰手足太陰脾肺

Kitasato Memorial Medical Library